



05889

奮史卷十八

王孫娶龐氏女其籍豎東吳王初榭于陽魯建  
聊蘇李與蘇武管輅並與化任大樁子田校刊

蕭眷屬門五刑徽徽徽徽並其各徽徽利平利

呂氏娣姒姑嫂叔嫂弟婦嬖無徽徽風以親執

世疑娣姒之名皆以兄妻呼弟婦為娣弟妻呼兄妻

為姒公羊傳曰娣者弟也以弟解娣自然以長解姒

長謂身之年長非夫之年長也左傳穆姜謂聲伯之

母為姒叔向之嫂謂叔向之妻為姒二者皆呼夫弟

之妻為姒豈計夫之長幼乎爾雅邢昺疏對旅皆

奮史卷一八

一

前漢郊祀志長陵女子以乳死見神于先後宛若孟

康曰兄弟妻相先後師古曰古謂之娣姒今關中呼

為先後吳楚呼為妯娌天香樓偶得

古者稱姒亦曰嫂張負以女孫事陳平戒曰汝事兄

伯當如父事嫂當如母陰驪行

呂氏舊俗母母受娣娣房婢拜娣娣見母母房婢跪

即答拜母母呼娣娣房婢並斥其名娣娣呼母母房

婢稍老成親近者則並以姐稱之紫微雜記

王昶娶鍾氏女其弟湛娶郝氏女鍾郝為娣姒雅相

親重東海家內則郝夫人之法京陵家內範鍾夫人

之禮 世說新語

唐高宗太后以薛顓妻蕭氏薛緒妻成氏非貴族欲

出之曰我女豈可與田舍女為妯娌邪 通鑑

竇尚書夫人孔氏性嚴右丞夫人傾背卽一房列五

榻自孔夫人而下五房妯娌皆同寢處 晉公談錄

李光進弟光顏先娶而母委以家事及光進娶母已

亡弟婦封貲貯納管籥於妯娌光進命返之曰娣逮事

姑且嘗命主家事不可改 補亂皇林文妯娌

崔休長子聘盧尚之長女又為次子求其次女曰欲

令姊妹妯娌尚之感其義同日成婚 蘇勳雜錄

奩史卷六

二

郭逸有二女長女妻崔浩次女復妻其弟詩曰兄弟

婚姻無胥遠矣 是卷日記

朱溫先與朱瑾結兄弟好後起兵相攻破瑾納其妻

以歸溫婦張氏迎於封邱瑾妻再拜張亦拜悽然泣

下曰冤耶與司空同姓之國昆仲間以小故興干戈

而使吾妯至此若不幸汴州失守妾亦如此矣言已

又泣溫感動送瑾妻為尼 女世說

妻稱夫之姊妹曰姑古人直稱嫂妹漢書敬武長公

主曰嫂何與取妹曹大家女誠亦稱嫂妹 金鼎子

弟婦稱夫之姊曰女姒 搜探異聞錄

班昭女妹曹豐生亦有才惠女妹昭瓘之妹也

漢傳

夫之女弟爲女妹亦曰小姑

廣修詞指南

魏甄夫人中兄儼早亡母性嚴待諸婦有常夫人在

家時常諫曰嫂年少守節待之當如婦愛之當如女

母感其言爲流涕

閩閩語林

耳語

鄒嫉前母生一子娶妻荆氏爲嫉母所惡飲食不給

嫉私以已食繼之母責嫉嫉踞而泣曰女他日不爲

人婦耶有姑若是吾母樂乎奈何令嫂氏二親目蹙

憂女之眉耶其母亦稍止

女世說補

尹紉榮嫁劉晉仲與晉仲妹文玉相訓和

山樵暇語

奩史卷十六

三

周聞妻方氏勿能文聞有妹庚亦知書姑嫂常相酬

答有美繡集行於世

莆田人物志

成化初上元民女張妙清與兄嫂陳氏居壁相連一

日兄與嫂狎女窺見心動俟兄出呼嫂同寢問狀且

效爲之遂有孕其夫家以聞於官驗之仍是處女及

生子官合嫂育之女仍歸夫

耳談

庶女齊之少寡婦也無子不嫁事姑謹敬姑女利母

財殺母以誣寡婦婦寃結叫天天爲作雷電下擊景

公之臺

淮南子

謝朗總角時新病起體未堪勞偶在叔安坐與林道

人講論遂至相苦母王夫人壁後聽之再遣信令還而安留之王夫人因自出云新婦少遭家難一生所寄惟在此兒因流涕抱兒歸安語同坐曰家嫂辭情慷慨致可傳述

閩閩語林

顏含事嫂繁氏甚謹嫂病困須得蚘地膽爲藥俄而

青鴻飛至得膽藥成嫂病卽愈

晉中興書

孫棘母臨亡以小兒薩屬棘特深友愛大明五年募軍後期棘薩爭死妻許氏逢屬棘曰君當門戶豈可委罪小郎且大家臨終以小郎屬君竟未有子息君已二兒死復何恨

宋躬孝子傳

卷十六

四

邱旭家貧無進取意秋試將邇寡嫂劉氏敬問行期旭以匱乏告嫂曰若得小郎晝錦雖孤兒可鬻餘非所惜也罄囊遣之登第一

女世說

章氏昆弟皆無子其兄先抱育族人子未幾得一子弟因乞兄所抱者嫂曰未有子而抱之甫得子而棄之人謂我何弟請不已嫂曰必不得已寧以吾新生

與之

海涵萬象錄

陳平嫂嫉平不視家產曰有叔如此不如無

史記

王衍妻郭氏性貪鄙令婢於路擔糞衍弟澄諫之郭大怒曰昔夫人臨終以小郎囑新婦不以新婦囑小

郎因捉其衣裙欲杖之澄踰牕而走

世說新語

汝敦兄弟共居有父母時財物嫂心欲得之敦妻勸敦盡讓田宅奴婢與兄弟出別居敦後耕田得金器妻勸送與兄夫妻共往嫂性嗇見金器又欲留之兄

因感悟卽去妻

華陽國志

漢書有邱嫂應劭曰邱氏女也孟康曰邱空也兄亡空有嫂也晉灼曰邱大也大嫂長嫂也

兩漢筆記

有豪家造樓占踰其婆嫂地基婆婦吞聲忍氣旦夕焚香籲天一夜雷電風雨移其樓空其地以歸婆婦不失尺寸

瑣綴錄

### 查史卷十八

五

澆淫通其嫂女岐少康滅澆得女岐斬之

路史

婦呼夫之兄爲伯見陳平傳又爾雅婦稱夫之兄爲兄公又玉篇姒字音鍾注云夫之兄也

容齋隨筆

婦稱夫之兄曰兄公逸雅竟稱曰公

雲谷卧餘

李濤弟澣娶婦竇氏出叅濤答拜澣曰新婦叅阿伯豈有答禮

五代史補

呂汲公在相位其兄進伯自外郡還坐東府堂上夫人自廊下階趨叅以二婢掖侍而前進伯遽曰宰相夫人不須拜汲公解其意叱二婢使去而夫人獨拜於赤日中盡禮而退進伯略不顧勞

聞燕常談

朱明與弟同居弟妻欲棄兄異室明以金帛盡給與弟惟餘空宅忽一夕狂風驟雨悉吹財帛還歸明宅弟與妻羞見鄉里自盡明乃舍宅爲寺

吳地記

姑蘇馮氏兄弟三人甚相愛其季娶婦未逾年輒諷其夫使分異夫怒曰吾家同居三世矣汝欲敗吾素業耶婦乃不復言其仲每對親戚切齒謂此婦必破吾家一日其婦向夫悲泣求去詰之不答固問之始收淚曰妾父母以君家兄弟篤於友義故以妾歸君今仲常欲私我不敢從每恚怒欲令君逐妾向勸君別居其實慮此使妾不幸爲仲所污縱君舍恥能

奮兒卷一八

六

忍妾亦何面目以見親戚乎因泣不止季怒遂逼其兄析居而孝友衰焉

虛谷間抄

唐太宗寵巢玉妃是妻弟婦也

孔氏雜說

汜固推家財百萬與寡弟婦

熒煌新錄

親戚

周季貞班昭姊之子也喪婦作問神其姨難之

三輔決錄

武后姊韓國夫人早寡出入禁中一女國姝帝皆寵

之韓國卒女封魏國夫人后忌甚遂毒殺之

唐書

狄梁公爲相有姨盧氏居午橋姨生一子未嘗來都城公因休沐候姨安否因問表弟有何樂願悉力從

其欲姨曰相爾自貴耳吾止有一子不欲令事女主

公大慙而退松楸雜錄 種史彙編曰狄丈惠姨與姚公靖姊正復相似姚姊云妾有作和尚不了是好人者

元微之作姨母鄭氏墓銘蓋鄭濟女崔鵬妻也崔氏

譜同白樂天作元微之母鄭氏誌亦言鄭濟女則鶯

鶯乃崔鵬之女於微之爲中表兄妹傳奇鶯鶯事特

托張生以避就耳傳奇辨正

彭伉妻湛賚之姨母也伉舉進士賀宴皆官人名流

湛至命飯於後閣湛無難色姨母責之湛感其言改

致學業未數歲登第宜春傳信錄 芥菓

高祖生而皇妣殂無由得乳高祖從母乳之宋史

山谷姨母李氏崇德君善墨竹山谷集

俗云姨娘懷裡聞得娘香元裕之哭姨母西君詩姨

娘懷裡阿娘香書影

符承祖用事親姻爭附其姨母楊氏謂姊曰姊雖有

一時之榮不若妹有無憂之樂姊與之衣服多不受

承祖遣人迎之厲志不起強舉車上則大哭言爾欲

殺我由是符氏內外皆號癡姨後獨不及禍女世說

袁津修爲姨丈人所賞益今之姨夫也名句文身表 異錄

女伶謝阿蠻善舞元宗令按新曲時貴妃女弟秦國

女伶謝阿蠻善舞元宗令按新曲時貴妃女弟秦國

女伶謝阿蠻善舞元宗令按新曲時貴妃女弟秦國

奄史卷十九

夫人端坐觀之曲罷上戲曰阿瞞樂籍今日幸得供  
奉夫人請一纏頭秦國曰豈有大唐天子阿姨無錢  
用耶遂出三百萬爲一局焉揚如外傳

崔氏風節

崔繪妻盧氏美而寡歸父母家適女兒嫁李思冲亦  
天時思冲爲工部侍郎請於武后求氏爲繼室勅許  
之氏不可曰吾栢舟久砥詎肯覩上別船且非他人  
而姊夫羞哉其以雁行作魚貫也寧沒官家爲婢耳  
遂巉面斷髮逃還繪舍武后亦不奪女世說補

古杭趙妻黎氏攜二女觀燈叢雜中少女爲惡少掠  
去賣臨清擅長青樓號賽濤以詞翰能賽薛濤也長

奩史卷十六

六

女歸周子文子文爲吏赴京過臨清見賽濤貌自其  
妻因宿焉詰之告其故訟之官攜歸父母卽以賽濤  
歸子文有曲江鶯囀集皆賽濤詩詞也據道新說

虞鳳娘姊嫁徐明輝而卒明輝聞鳳娘賢懇其父欲  
聘爲繼室女泣謂父母曰兄弟未嘗同妻卽姊妹可  
知父執不聽女絕口不言自經死義鳥人物志

方梧坡之父無子偶妻之妹來省其姊私之有娠妻  
乃爲作產蓐狀生梧坡厚貲裝以嫁其妹雪丹勝語

兖州有贅婿與妻妹私通事露二人曰吾當共詣岱  
嶺質諸神如果有私願受誅極祝訖下山各以爲謾

寂而已神固何知行至山半趨林薄僻處行淫焉久而不歸家人覓之則皆死矣而其二陰根交接粘着不解蓋神譴之以示寂也

浮物

庾翼婦母阮與女上安陵城樓阮語女聞庾郎能騎

何由得見婦告翼翼便於道盤馬

世說

庾氏譜曰翼妻字靜女劉氏

譜曰綬妻字幼娥即阮也

椰子厚有祭獨孤氏丈母文稱妻母也若韓滉稱劉

元佐母爲丈母是又爲女人尊者之通稱

柳南隨筆

張延賞選婿無可意者其妻苗夫人賢而知人特選

韋臯曰此人貴鮮儔遂妻之臯性踈曠不拘細行延

奩史卷十六

九

賞竊悔由是輕慢之惟夫人待之益厚臯因辭東遊

張氏罄奩具以治行延賞幸其去以七駄物爲盧臯

行翌日悉還之惟留奩物及書册而已後五年臯擁

節旄會德宗幸奉天持節西川替延賞乃改姓名作

韓翃人莫敢言至大回驛去府三十里人有報曰替

相公者韋臯非韓翃夫人苗氏曰必韋郎也延賞曰

天下姓名同者甚衆彼韋生必填溝壑豈能乘吾位

乎及入州方知不誤延賞慚懼自西門潛逃臯入見

夫人禮奉過布衣之曰

唐宋遺史

章淳父俞早歲無行妻母楊氏早寡俞與之逼已而

生子卽淳也紹聖中爲相所謂燕國夫人獨處而無

耐者卽楊氏也

揮塵餘話

丈母裴松之三國志注已有此稱香祖筆記

丈母爲泰水

神仙傳蔡檉蓋說曰俗呼妻父爲丈丈以泰山有丈人峰也而呼妻母爲泰

水何耶

楚稱妻母曰母娒

揚子

岳母曰娒

臨潼縣志

列女傳

世說新語

舅之子爲內兄弟姑之子爲外兄弟今人以妻兄弟

爲內兄弟蓋沿李獻吉之誤柳南隨筆

爾雅妻之舅弟曰甥今無此稱

香祖筆記

奮叟卷十八

十

楊后母趙氏早卒依舅家舅母愛乳之

晉書

姁字舅母二字合呼也

明道雜誌

鄧攸娶一妾甚寵愛歷年後詢其所由妾具說父母

姓名乃攸之甥女也攸哀恨

世說新語

范陽盧子夢至崔家娘子姓盧乃盧子再從姑也姑

以外甥女鄭氏與盧子成婚夢遊錄

歐公甥女適張氏夫死攜孤女歸父家嫁公族子晟

晟之官至宿州赴郡晏歸而失其舟至京師捕得之

開封府勘乃稍人與晟妾通妻知而欲笞之反爲妾

誘并與稍人通府尹承當路風旨令張氏引公以自

解獄奏仁宗大駭遣中使王昭明監勘而張氏反異  
公遂得明白猶坐以張氏匱具買田作歐陽戶名出

知滁州 行營雜錄

劉表欲以妻妹蔡氏女妻桓楷楷不受 三國志

徐司寇以女內姪字王協一盛奩嫁焉 佩臚

陳潔字澣心歸屠氏有題外姪女屠瑤芳像詞 林下詞選

女師為戊姆 漢書注

馮淑安字靜君夫死為女師以自給 大名府志

黃媛介適楊元勳夫婦偕游江湖為閨塾師以終有

湖上草 稿李詩繫

奩是卷一人

七

慈溪姚母能詩出外為女傅某相國以千金聘教女

公子 隨園詩話

萬姓字華哲夫派欲文禍起自餘 內奉札

又補魚次缺 世說新語

則將字華心能骨丸存眼坐賦文譽評 蘇州府志

愈博學以疾內致室王謝行盤 蘇州府志

隱妻慈以妻叔養其女妻蘇 蘇州府志

公毅爵與伯齡坐以逮九 蘇州府志

奩史卷十次大 蘇州府志

舊史卷十九

東吳王初桐于陽篡述

晉書卷一百一十五 東吳王初桐于陽篡述

晉書卷一百一十五 曲阿劉奎年雲岩校刊

晉書卷一百一十五 妾婢門一

晉書卷一百一十五 妾

邵文莊云妾有媵有卜卡而妾者不待六禮故謂之

奔按天文有織女主貴女須女主賤女貴女嫡也賤

女諸侯之副宮九媵大夫之側室三婦也禮所謂買

妾奔則為妾皆不備禮之謂也說文妾字從辛女之

有罪者為人妾此秦法非周制周禮有女奚之條乃

舊史卷十九

一

劉歆附會以欺王莽者殆不可信妾字從辛亦秦象

非古象也 丹鉛總錄

漢魏故事妾見夫人夫人不答拜摯虞曰妾事女君

如婦事姑宜不答拜 晉書

築死于儻溺妻築之眾妾 括地圖

管氏有三歸娶三姓女為妾因為臺以居之 古史考

管仲妾名婧桓公使管仲迎甯戚戚曰浩浩乎白水

管仲不知所謂婧曰古有白水之詩曰浩浩白水條

條之魚君來召我我將安居國家未定從我焉如此

甯戚之欲仕也 女世說 管子注水魚喻人配偶甯

衛有惡人曰哀駘它婦人見之請於父母曰與爲人妻寧爲夫子妾者數十而未止也莊子

遺氏之女爲僖子之妾納泉邱女以副助之左國腴詞

齊惠公妾曰蕭同叔子小字錄

或問孔子有妾乎觀孔叅曰夫子妻不服綵妾不衣帛然則孔子亦有妾矣鄒那曼衍

胡姬者齊景公之妾也左傳注

春申君有妾曰余補侍兒小名錄

隨清娛司馬遷侍妾趙之平原人年十七事遷遷遊名山必以清娛自隨遷故亦憂傷尋故褚遂良撰隨清娛墓誌銘

石崇有妾曰仙娥娘名稱亞於綠珠幽怪錄

齊陸厥中山至孺子妾歌曰未央才入中山孺子一

笑傾城再顧傾市藝文類聚

杜秋娘金陵女子爲浙西觀察使李錡妾錡有陰謀秋娘製詞隱諫云勸君莫惜金縷衣勸君須惜少年時有花堪折直須折莫待無花空折枝客座贅語

長安客有買妾者居數年忽爾不知所之一夜提人首而至告其夫曰我爲父寃故至於此今報矣請歸斷所生二子喉而去唐國史補

東坡有數妾四五年相繼辭去獨朝雲者相隨南遷

朝雲姓王氏錢塘人

漁隱叢話

東坡有妾朝雲榴花朝雲死惟榴花獨存

者舊續聞

范元實為其妾紅鸞所困病傷寒死

鐵圍山叢談

陳季常妾小字秀英東坡與季常書稱秀英君

容齋隨筆

王瓊奴者王中郎之幼女父死失身於趙奉常家為妾為主母凌辱道出淮上書其事於驛壁

青瑣集

殷無美妾有句云妾有一夫君二婦一年夫婿半年

親練水遺聞

張秀字惠中湖廣人獨居於汴與德州孫勳相唱和

遂歸孫為妾時年六十五

古夫于亭雜錄

倉史卷九

三

張蒼妻妾百數嘗孕者不復幸

漢書

黃巢平獻俘於朝僖宗宣問其姬妾曰汝等皆勳貴

子女何為從賊居首者曰狂賊凶逆國家以百萬之

眾失守宗祧今陛下以不能拒賊責一女子置公卿

將相於何地乎就刑神色肅然

女世說

李尚書道甫姬妾數十人道甫病革呼諸姬問我死

誰當從我諸姬爭言願從死一姬最少美而艷獨無

語眾譙讓之道甫既死此姬盛服靚粧坐匱側七日

不食而死諸姬竟不能從

谿山餘話

顏師古注漢書曰姬者周之姓貴於眾國之女所以

婦人美號皆稱姬焉左傳雖有姬姜無棄憔悴姜亦  
大國女後乃謂妾爲姬信陵君賂如姬竊兵符奪晉  
鄙軍如姬魏王幸妾也

事物紀原

左傳平公以同姓四人備嬪御鄭子產聘晉言於叔  
向曰今君內實有四姬焉蓋指其不別同姓之醜非  
目妾爲姬也按古婦人皆有字與諡或國名下繫其  
姓先儒謂示不忘本且別他族今攷字下繫姓如周  
女曰伯姬叔姬齊女曰孟姜季姜宋女曰孟子仲子  
狄女曰叔隗季隗是也諡下繫姓如齊女曰宣姜莊  
姜宋女曰聲子秦女曰懷嬴楚女曰文芊杞女曰定

奢史卷十九

四

如是也國下繫姓如秦女曰徐嬴葛嬴陳女曰息媯  
之類是也漢史有諸姬薄姬愛姬臣贊曰姬漢內官  
也秩比二千石在媯好下師古謂漢內官無姬職姬  
者周姓貴稱也世例以目妾豈反賤乎

識遺

王霞卿才華清瞻節行尤高一代名姬也韓嵩聘爲  
妾嵩卒鄭殷藪往謁之霞卿辭疾不見令輕綃持詩  
贈之鄭慚而去

侍兒小名錄

東坡嘗寫古木怪石書其後贈賈耘老云可令新詩  
葉收掌新荷葉賈侍姬也

東坡紀年錄

范石湖云朝士中姝麗有三傑謂韓无咎晁伯

姬及趙彥博家姬小瓊也

齊東野語 贈趙富文家

近體樂府 姬小瓊詞

王仲和妹有小姬十輩執樂甚閑

江湖長翁集

葛無懷初爲僧後返初服居西湖有二侍姬一曰如

夢一曰如幻

癸辛雜識

袁榮襄公晝寢夢一美姬扶牀跪請曰妾備充李白

洲下陳今願侍相公帷幄袁夢覺異之召黃夫人語

焉旣而李以黨宸濠敗妻孥没入官及世廟賜樂襄

公女婢六人李姬與焉宛然夢中人也

見聞錄

裴休披毳衲於歌姬院持鉢乞食

北夢瑣言 雲谷雜記曰東坡謝元

長老衲裙詩欲教乞食歌姬院故與雲山舊衲衣邵氏聞見錄未達坡意蓋未見北夢瑣言耳

### 奩兒卷十九

五

韓熙載所得俸錢卽爲諸姬分去乃著衲衣負筐令

門生執手板於諸姬院乞食以爲笑樂

南唐近事

陸展染白髮欲以媚側室

南史

郭元振夜行有宅宇燈燭但聞女子哭聲公問人耶

鬼耶曰妾鄉有烏將軍能禍福每歲鄉人擇美女嫁

焉父利鄉人之金潛以應選醉妾此室而去二更當

來公大憤曰吾當救汝未久將軍至公取佩刀斫其

腕斷之將軍失聲而走視其手乃猪蹄也俄聞哭聲

漸近乃父母舁榘收屍公令鄉人尋血而行見大猪

無前蹄已斃公納其女爲側室

幽怪錄

崇寧中有王生者入都嘗薄暮至延秋坊過一小宅有女子甚美獨立於門若有所待者抵夜復過其宅後適牆內擲一瓦出拾視之有字云夜於此相候生以牆上剝粉戲書瓦背云三更後宜出也復擲之因稍退伺之少頃有男子至周視地上無所見微嘆而去至三鼓一女子開門出一老媪負笥從後生就之女愕然曰非也媪亦曰非也將復入生挽而劫之曰汝爲女子而夜與人期至此執汝詣官醜聲一出尋汝門戶我邂逅遇汝亦有前緣不若從我去女泣而從之生攜歸匿小樓中女自言曹氏父早死獨有已

奩兒卷十九

六

一女母鍾愛之爲擇所歸女素悅姑之子某欲嫁之使乳媪達意於母母意以某無官弗從遂私約相奔牆下微嘆而去者當是也居數月生之父知之促歸扁之別室女所齋甚厚坐食垂盡使人訪其母則以亡女故抑鬱而死久矣女不得已與媒謀下汴訪生所在至廣陵資盡不能進遂隸樂籍易姓名爲蘇媛生偶過廣陵女以娼侍酒生屢目之女捧觴不覺兩淚墮酒中生問何以至此女以本末告生媿嘆流涕遂密納女爲側室

清尊錄

劉婆惜樂人李四之妻也頗通文墨先與撫州常推

官之子交好苦其夫間阻一日借宵遁事覺劉負愧  
將之廣海經贛州全普巷納為側室

陸伯麟側室育子陸象翁賀啓有深嗅得油鹽醬醋

之香句東坡婢詞揭起羶兒一陣油鹽醬醋香

齊侯內嬖如夫人者六人

嬾真子錄謂陶淵明有如夫人

妾一名傍妻漢元后傳王禁多娶傍妻

枚乘孽子臯之母為小妻乘東歸不肯隨乘

樂成王黨妻中山傅婢李羽生為小妻

張彭祖為小妻所毒

舊史卷十九

七

韃韞有妻名有妾名累十累百皆曰小妻

章淵吳歌云阿郎歡自濃小妻也是妾

劉子輿成帝下妻子也

小婦妾也

石崇妓墜樓而死後人因曰妓侍為墜子

司馬溫公未有子清河郡君為置一妾俾盛飾送入

書房公畧不顧妾取一帙問曰中丞此是何書拱手

莊色曰此是尚書妾乃逡巡而退

溫公無子張夫人為置一妾公未嘗盼睐一日張夫

人賞花去是婢靚粧就書院供茶溫公怫然曰今日

院君不在爾出來甚麼

畫墁錄

劉文光聘妾京師約後三年來娶女矢無他適酌酒

爲別贈詩曰玉手纖纖捧玉盃僊郎南去幾時回天

涯到處生芳草須記凌寒雪裏梅

稗史彙編

曰大

邊尙書貢繼娶胡氏通書識字邊致仕家居欲求姝

麗爲胡所沮有族弟偕客攜酒過邊酒酣舉令曰討

小老嫂惱客不能繼胡以片紙書相娘狂郎忙五字

於上曰何不以此對

山居解頤

山居集

靳翁踰五十無子其夫人鬻釵梳買隣女爲妾翁曰

此女幼時我嘗提抱之不可以辱遂還其女踰年夫

查史卷十九

八

人自妊生子爲賢宰相

座右編

查蓮坡夢雙鳳集屋楊各銜金篆字一曰貞一曰福

後納二小姬名適與之同

樊榭山房集

楚莊王遊於雲夢蔡姬越姬從王約以生偕樂死同

時蔡姬諾之越姬曰王以東帛乘馬取婢子於弊邑

不約死後王疾有赤雲夾日如飛鳥占者言應害王

身或請移於將相王曰吾股肱也不聽越姬曰大哉

君王之德以是妾願從王矣妾死王之義不死王之

好也

女世說

楚莊王左抱鄭女右抱越女坐鐘鼓之間

羣書鈞元

孫亮有愛姬四人一名朝姝二名麗居三名潔華四名洛寶

小名錄

桃葉歌者晉王子敬之所作也桃葉子敬妾名緣於

篤愛所以歌之

古今樂錄

吳均詩娼家小女名桃根桃根乃桃葉之妹王獻之

妾非娼家也

樵香小記

碧玉歌者宋汝南王之所作也碧玉汝南王妾名以

寵愛之甚所以歌之

樂苑

在窮記曰碧玉姓劉氏

崔陵寵妾馮氏長且姣家人號曰成母

北史

顏延之有愛姬非姬食不飽寢不安姬憑寵盪延之

### 奄史卷十九

九

墜牀至損子峻殺之延之痛哭忽見妾排屏風以壓

延之延之懼墜地因病卒

敘小志

齊公王縉爲妾造寶應寺宏麗無比今寺中釋梵天

女悉韓幹爲齊公妓小小等寫真也

南部新書

元載寵姬瑤英之母趙姬本岐王愛妾也後出爲薛

氏妻生女瑤英

續補侍兒小名錄

裴休性慕禪林潛令嬖妾承事禪師

鑑戒錄

江陵士子遠遊愛姬爲太守所娶納於高麗坊邸及

歸寄詩云織蘿自合依芳樹覆水寧思返舊杯惆悵

高麗坊邸宅春光無復下山來守遂遣還

全唐詩話

蔡元長南遷有旨取其寵姬慕容邢武三人以金人指名來索也元長詩云爲愛桃花三樹紅年年歲歲惹東風如今去逐他人手誰復尊前念老翁

揮塵後錄

吳給事女敏慧工詩詞後歸陳子朝名儒也晚年惑一妾緣此遂染風疾一日親戚來問吳同妾在側指妾曰此風之始也

詩話雋永

韓玉汝有愛妾劉氏玉汝承旨出臨行劇飲通夕且作詞留別翌日神宗密知詔爲般家追送之

石林詩話

王丞相有幸妾姓雷頗預政事納賄蔡公謂之雷尙書

侍兒小名錄

奩史卷七

十

韓侂胄愛妾張譚王陳四人皆知郡夫人

續資治通鑑

上書論侂胄之惡并詆程松之納妾倪僕

蘇師旦獻妻

侂胄所幸妾同甘苦者爲三夫人號滿頭花新進者四夫人至通官籍慈明常召入賜坐以示殊寵四夫人卽與慈明偶席慈明銜之迨韓爲鄭發所制慈明特旨令京尹杖四夫人而遣之

四朝聞見錄

屬氏族譜

屬韓平

原三夫人號滿頭花者爲後妻

廬江王瑗寵姬亭亭本賈人妻有殊色瑗殺其夫而納之瑗敗而姬入宮復侍文皇

亭亭敘錄

桓溫尙明帝女南康公主及溫平蜀以李勢妹爲妾

嘗著別齋後主聞與數十婢拔刀襲之正值李梳頭  
髮垂委地姿顏端麗膚色玉曜不爲動容徐結髮歛  
手向主言曰國破家亡無心至此今日若能見殺乃  
是本懷神情閒正辭氣悽惋主擲刀前抱之曰阿子  
我見爾亦憐何況老奴遂善遇之如記

一顯者常苦嫡庶不睦聞聲自內徹外偶一詞客來  
謁值其內闈顯者欲借端亂其聽指所懸鳩鵲圖請  
客賦之客曰鳩一聲兮鵲一聲鳩呼風雨鵲呼晴老  
天却也難張主落雨不成晴不成雪清譜史

徐君蒨侍妾數千皆佩金翠曳羅綺服玩悉以金銀

奩史卷十九

十一

時魚宏亦稱豪侈府中謠曰北路魚南路徐玉壺冰

宋子京雪夜修唐書添辮幕龔二椽燭熾炭兩巨爐  
諸姬環侍方磨墨濡毫以澄心堂紙草一傳時諸姬  
中有一人來自宗子家子京曰汝太尉遇此天氣如  
何對曰此時但命妾等陳酒殺羅管絃引滿酣醉而  
已不能爲尙書清事也子京點頭曰也自不惡乃閣  
筆掩卷起索酒飲之幾達晨語林 曲洧舊聞畧同  
此與陶穀党姬事相類  
兩山墨談已並載之

張子野晚年多愛姬東坡詩曰詩人老去鶯鶯在公  
子歸來燕燕忙案唐有張君瑞遇崔氏女於蒲小名

鶯鶯漢童謠曰燕燕尾涎涎張公子時相見又張佑  
妾名燕燕野客叢書東坡集張子野年八十五尚  
買妾

孫逢年妓妾曳綺羅者三百餘人晚年衰憊而舊好

不衰雲邁淡墨

李邦直與韓魏公書云玉梳金篋侍白髮翁幾欲淡  
死矣玉梳金篋者邦直之侍姬也或問命名之意邦  
直笑曰此俗云和尙置梳篋耳墨莊漫錄

楊鐵崖晚年姬妾十數人曰桃葉曰柳枝曰瑤華曰  
翠羽年旣八十尙有弄瓦弄璋之事煙霞小說

一士老納二寵托友命名友以忠奴孝奴名之其人

奩兒卷十九

七

曰忠孝命婢不稱友曰孝當竭力忠則盡命羅點聞見錄

王黼嘗病危二妾艷娥素娥侍疾坐於足素娥泣曰

若內翰不諱我輩豈忍獨生艷娥亦泣徐曰生死有

命姊宜自寬黼具聞之旣愈素娥專房封淑人艷娥

遂辭去及黼誅素娥驚悖亦死老學菴筆記

范十郎二女俱爲陸氏妾長曰鶯鶯寵甚早世次曰

燕燕與羣妾等陸病且貧羣妾皆散燕燕獨不忍食

貧十餘年陸死自鬻以葬隨隱漫錄

趙碧澗老而益貧二妾方少艾慮無以安其心因遣

之去咸弗肯嫁數獻肴酒致殷勤焉旣而各與其父

母俱至泣而言曰願執事終身爲尼以報主恩公遂復留之公死果如所言

輟耕錄

韋陟常以侍妾爲書記掌五采箋分主報荅辭旨輕重巧合陟意而書體道麗皆有楷法陟惟署名從來受用姬妾風雅此爲第一

野航史話

董小宛歸冒辟疆後與辟疆日坐畫苑書圍中撫桐瑟賞茗香評品人物山水鑒別金石鼎彝間吟得句與採輯詩史必捧研席爲書之相得之樂兩人自謂天壤間未之有也

螢芝集

林方伯五旬無子娶十四妾皆以妻始死後又購一

奩史卷十九

三

妾不三日撻幾死女曰受撻惟此一次明日不受矣妻大怒又撻女歸房妻亦逐入女忽閉門加刃於妻頸曰吾爲十四命報冤殺汝反棒撻之無算妻急矢天日再不撻女始解由是兩相歡

八閩志

一富宦無子妻極悍笞死婢妾數人一鄰家女白父願嫁此宦父因達宦妾之至第三日妾方梳洗妻言起遲上梯口喃喃罵妾覷其將至用脚一踢倒撞梯下墮下樓坐其身上捶撻罵詈且言我年少女子豈嫁此老人只是一大宦家因你絕後我今撻死你替你償命着他另娶言畢又撻婦求饒命且發誓任其

再娶宦亦懇求放起後女生二男

廣莫野語

柔柔姓陸氏歐陽夢桂之妾夢桂死柔柔母以女許嫁張酋母數說女柔柔掉頭不顧後出往佛寺焚香首見柔柔顏色妙麗欲得之心愈切卽與母謀將逼娶之柔柔遂自經於樓上

鄭思肖柔柔傳

李妹者長安女娼也年未笄母以售同州節度爲妾寵嬖專房以忤旨載之張侯別第張固狂淫者乘其理髮直前擁致之妹大呼啜泣走取佩刀將自刎婢媵奪救得止張恥且怒被酒挺刃突入偏之妹曰妹幼出賤流鬻身同州幸蒙怜愛許侍巾屨同州性嚴

奩史卷十七

十四

忌雖親子弟猶不得見妹之面偶因微遣暫托於君侯不圖君侯見盡又以威脇妹寧以頸血汗君侯刀願速斬妹頭送同州遂拱手就刃張羞愧流汗掖之使起自是不復與戲妹竟縊死

筆奩錄

張士誠兵敗謂妻劉氏曰我敗且死若曹奚爲劉曰妾必不負君乃積薪齊星樓下驅羣妾侍女自盡縱火焚之遂自縊也

擬明史樂府註亦見張羽所撰七姬權厝志

蘇州汪君病癱移至園中養病月夜見數女子過袂覩粧披帷而入汪君叩其何人荅云妾等七人皆張王士誠之姬也昔年齊雲之變同日殉難上帝憐之

封爲七聖園中某處乃妾輩藏玉之所君能捨此園爲妾輩香火疾可勿藥而愈汪君欣然願爲立廟諸姬慰謝而去不旬日病果霍然遂捐金改造虔奉香火卽其園名七聖院

述異記

七姬廟在賽金巷祀元左丞潘元紹妾程氏瞿氏徐氏羅氏卞氏彭氏殷氏明太祖破蘇州七姬皆自經死墓在郡城東北隅

蘇州府志亦見夷白齋外集

汪佛奴歌兒也姿色秀麗濮樂閒以中統鈔一千錠娶爲妾一日桂花盛開濮置酒佛奴奉觴濮潛然墮淚佛奴問故濮曰吾老矣非久於人世者汝宜善事

### 宦史卷十九

五

後人佛奴亦泣下誓無貳志旣而濮死佛奴獨居尼寺操行潔白以終其身

輟耕錄

晚翠寒香張方洲二姬名也方洲沒後其長女劉夫人謂二姬年少當有別處二姬曰蒙先公取憐日久雖死不足報况有他意哉遂焚香告天大慟互相落髮以表其志

石田集靜志居詩話曰張寧卒有二婢子曰寒香晚翠剪髮自誓不下樓者四十年有司以聞詔旌爲雙節

齊桓公好色嬖聽女口以妾爲妻遂致適庶數更

漢書

五行志

宋挺乃劉陶門人陶亡後取陶愛妾爲妻

晉書

杜佑以妾爲夫人

叙小志

鄭光鎮河中宣宗封其妾爲夫人不受

侯鯖錄

劉從諫妻裴氏有妾韋願封夫人詔至裴怒毀詔不與他日從諫會裴黨復出詔裴抵去曰自古不聞側室封者君承朝廷姑息宜自黜削求洗濯願以婢爲夫人族不日滅矣從諫赧然而止

暇老齋雜記

劉光世請並封其三妾爲孺人南渡後諸大將封妾自此始

宋史

周宣王之妾曰女鳩欲通杜伯伯杜伯不可女鳩訴之

曰杜伯伯竊與妾交宣王殺杜伯

冤魂志

舊唐書卷十九

六

王鈇帥番禺狼籍詔遣司諫韓璜往按之王妾故錢塘妓曰無憂璜舊遊妾家吾能敗其守已璜至氣甚高鈇強邀入別館妓於簾內歌璜昔所贈詞邀其滿飲至再至三終不出璜心益急妾曰司諫昔善舞今能爲妾舞一曲便出矣璜醉卽索舞衫塗抹粉墨踉蹌而起忽仆地亟命扶掖登舟昏然酣寢五更醒苦衣衫拘絆索燭攬鏡羞汗無地解維去

女世說

杜大中自行伍爲將有愛妾才色俱美大中牋表皆其所爲一目大中方寢妾至見几間紙筆頗佳乃製臨江仙一闋有彩鳳隨鴛之語大中覺而視之云鴛

且打鳳於是掌其面至項折而斃

今是堂手錄

沈詢在昭儀有賓友歌詞曰莫打南來雁從他向北  
飛打時雙打取休使兩分離友歸而夫妻皆爲嬖妾

歸秦所殺

續補侍兒小名錄

一貴人畜妾頗多復於廣陵買楊氏女名貞慧年方  
二八眞佳人也及至諸姬愠甚一姬爲貴人素所最  
寵者反與之極歡未幾姬音啞而髮落殆盡寵復歸  
素所愛倖者殊不知皆其以物害之也

見聞錄

京師婦女嫁外方人爲妻妾者過門信宿盜其所有

逃去名曰拏殃兒

菽園雜記

### 奩史卷十九

七

王虔仲嘗荒恣於色左右諫之虔仲乃開後閣驅諸

婢妾數十人任其所之

世說

白樂天妓樊素年二十餘綽綽有歌舞態善唱楊柳  
枝樂天以己年高將放之適馬有名駱者亦同時議  
駱馬出門驤首反顧素聞馬嘶慘然泣拜曰駱將去  
其鳴也哀素將去其辭也苦此人之情也豈主君獨  
無情哉樂天感歎不能對

女世說

琴客宜城之愛妾也宜城老愛妾嫁

顧况琴客詩序

韓魏公有女樂二十餘董一日盡厚遣之

韓魏公家傳

朝華姓邊氏少游納爲侍兒三年少游欲修真斷世

緣遂資以金帛而嫁之

墨莊漫錄

王荆公吳夫人用錢九十萬爲公買一妾公問之曰妾之夫爲軍大將部米綱運失舟家貲沒猶不足又賣妾以償公愀然送還其夫

嗜退菴語存

沈詹事貶筠州售一妾處筠七年呼妾父母以女歸之猶處子

談藪

開元中有苗氏女本宦族也失身爲妾於朝士臨行作詩別其母云桃花飛盡馬塍春此日辭家淚滿巾豈是比隣無嫁處千山萬水逐行人朝士知之厚給資以嫁焉

浩然齋雅談

奮吳卷一

六

沈仲說妻鄒氏爲夫置一年少美貌之妾將以奉枕席仲說詢其來歷泣而曰妾范復初女也仲說惻然爲擇壻備奩具嫁之

輟耕錄

陸放翁宿驛館見題壁詩云玉塔蟬蟋聞清夜金井梧桐辭故枝一枕淒涼眠不得呼燈起作感秋詩詢之驛卒女也遂納爲妾夫人妬逐之

隨隱漫錄

王百穀妾名青琴以婦妬出之一日妾遺素帨繡句云侯門一人深如海從此蕭郎似路人王爲之感悼賦詩八章託老嫗寄之而妾已自縊矣

本事詩

小青廣陵人名元元容態妙麗解聲律精諸伎年十

六歸武林生，生婦妬置之。別館鬱鬱而死，纔十八耳。  
支如僧小青傳。聞見卮言云：武林生馮千秋也。

荀攸卒，種繇嫁其妾阿鶯，使得善所。天中記

宋禕曾爲王大將軍妾，後屬謝鎮西。謝問禕：我視王  
何如？曰：王視君田舍貴人耳。枕上語

謝仁祖妾阿妃，有國色。謝死，阿妃誓不嫁。郗曇設權  
計得之，阿妃終身不與曇言。何氏語林

謝秀才有妾縞練，改從於人。秀才引留之，不得感憶  
而已。侍見小名錄

中丞楊公薨，其妓真珠攜粧奩數百萬出，其第遂就

### 奩史卷十九

九

不逞之徒，委身於萬通，受爲妻。吟窻敘錄

韓康公有愛妾曰蟾奴，康公身後家貲鉅萬，妾盡攜

他適。過庭錄

韓退之二妾，一曰絳桃，一曰柳枝。退之使山東，有詩

云：東風欲動別長安，春半邊城特地寒。不見園花與

巷柳，馬頭惟有月團圓。蓋寄意二姝也。逮歸，柳枝踰

垣遁去。又有詩云：別來楊柳堦頭樹，擺亂春風只欲

飛。惟有小園桃李在，留花不發待耶歸。自是專寵絳

桃矣。唐語林

楊素後房婦女錦衣玉食千人，李百藥夜入其室，則

寵妾所召也素俱執於庭將斬之而意惜百藥曰聞汝善爲文可作詩自敘當免汝死授以紙筆立就素欣然以妾并資數十萬與之

隋唐嘉話

种世衡夜與慕恩飲出侍姬佐之旣而世衡入內潛於壁隙窺之竊與侍姬戲世衡出掩之慕恩慚恐世衡笑曰君欲之耶卽以遺之

涑水記聞

楊鎮姬粉兒絕色楊一日宴詹天游天游屬意於粉兒口占一詞有不會真個也消魂之句楊遂以粉兒贈之曰天游今日真個消魂也

詩詞餘話

和士開使求平鑿愛妾阿劉卽與之仍謂人曰老夫

奩史卷十九

辛

失阿劉與死無異

北史

韋莊以才名寓蜀蜀主王建羈留之莊有寵人資質艷麗兼善詞翰建聞之托以教內人爲辭強莊奪去莊追念悵怏怏作謁金門荷葉杯詞情意悽怨人相傳播姬聞遂不食而卒

古今詞話

韋洵美受業都從事辟挈所寵素娥行羅紹威聞其殊麗今女使齋三百疋及生餼而露意焉洵美無所容足遂獻之素娥姓崔氏大梁良家子善諧諠筆札和淚作詩曰妾閉閒房君路岐妾心君恨兩依依魂神倘遇巫娥伴猶逐朝雲暮雨歸洵美乃不受辟渡

河宿一寺長吁而寢曰何處人能報不平寺有行者  
排闥而揖曰先輩畜何不平等詢美且語之歛然出  
門而去至三更忽擲一皮囊入門乃貯素娥而至洵  
美卽迹跡他所侍兒小名錄

嚴續相公歌姬唐鏞給事通犀帶皆一代尤物唐有  
慕姬之色嚴有欲帶之心因呼盧之會出姬解帶較  
勝負於一擲唐彩大勝唐乃酌酒命美人歌一曲以  
別相公拉之而去相公悵然遺之前唐近事

陳瓘之父尙書與潘良貴交甚密一日潘父自傷無  
子陳父慨然以瓘生母借之未幾生良貴後其母遂

奮史卷十九

三

往來兩家一母生二名儒前所未有女世說補

魏任城王曹彰偶逢駿馬愛之曰吾有美妾可換惟

君所選馬主因指一姬彰遂換之獨異志

曹彰以美妾換白鵲馬後人作愛妾換馬詩誠齋雜記

鮑生好蓄聲妓韋生好乘駿馬一日兩易所好乃以

女妓善四弦者換紫叱撥異聞集

世傳韋鮑二生以妾換馬之事云韋生鮑生同憩水

閣鮑有美妾韋有良馬鮑以夢蘭小倩佐歡飲酣停

盃闕馬韋曰能以人換任選妹尤鮑卽密遣四弦盛

裝而至勸韋酒歌曰白露濕庭砌皓月臨前軒此時

去留恨含思獨無言又歌送鮑生酒云風颭荷珠雖  
暫圓多生信有短姻緣西橋今夜三更月還照離人  
泣斷絃韋乃命牽紫叱撥酬之

唐詩紀事

齊琅琊王奐使愛妾治髭忽有鳥銜黃梅過庭而墜  
奐猜妾有密期擲果爲戲卽遣下堦笞殺之

冥祥記

徐蕩得瘕疾瀕死時見一白衣少婦曰君前生爲張  
睢陽吾卽睢陽之妾君爲忠臣妾有何罪殺妾以饗  
士卒吾尋君已十三世矣今甫得雪吾恨言訖婦不  
見蕩亦隨逝

池北偶談

景公嬖妾嬰子死公守之膚著於席而不去

晏子春秋

奩史卷之九

三

華譚妾石瑤華已死見形與之言語如平生

抱朴子

寇萊公有妾蓓桃隨南遷再移光州蓓桃泣曰妾將  
去矣願葬杭州天竺寺公驚哀諾之桃曰妾前世師  
事仙人頗知陰理公當爲地下閻浮提王也

聊那代醉編

黃子思愛妾宜哥客死舟中遺言葬堤下冀他日過  
此得一見以慰孤魂子思從之

能改齋漫錄

敖姬杭之右姓也某孝廉攜之至姑蘇姬卒遺柩於  
半塘吳中士人哀之爲買半畝地於鐵花菴畔擇日  
將葬適有某別駕攜二妾之任亦相繼含玉櫬留公  
廨中士人并敖姬合瘞之題曰香塚

太平清話

李雲求納一姬其母未許雲曰予誓不婚乃許之號  
姬曰楚賓數年後姬卒經歲復聘沈氏及婚日雲浴  
於淨室見楚賓執藥末徑前謂雲曰無物相奉贈君  
香藥一貼以資沐浴寫藥入盆以釵攪水而去雲不  
能出浴遂死肢體如綿筋骨並散

開奇錄

陶楚生金陵名姬歸茅止生不三載而亡臨沒見羽  
幢相迎曰爲西元洞主一時詞人賦詩哀挽名曰西  
元洞志歲癸酉降於曹南王士龍之乩自述小傳係  
瑤池西元洞八主之一名倩英

西元青鳥記

胡縉妾死十里外民家產一女生便言我胡家二室

### 奩史卷十九

三

也可喚我家人來胡往視之女與言前身舊事密敍  
委曲又言家有某物瘞某地胡遂取女歸從而發地  
悉得其貨因呼之爲前世娘

祝允明語怪

世祖至殷貴妃墓謂羣臣曰卿等哭貴妃若慟當加  
厚賞羊志遂號慟涕淚交橫他日有問羊者卿那得  
此副急淚羊曰吾爾日自哭亡妾耳

說願

張禕愛姬死猶子曙代爲詞有黃昏微雨畫簾垂之  
句禕見之哀慟曰此必阿灰作也

北夢瑣言

韋檢美姬卒檢追思痛悼悲怨可掬一日忽夢姬泣  
涕曰當有後期越數日果符夢兆

張君房勝說

劉偉明旣喪愛妾而不能忘有詞云斷送一生憔悴能消幾箇黃昏

復齋漫錄

珊珊黃雲孫侍姬也媚秀能文未嫁而卒同人作詩

悼之銜其集曰珊珊怨

靜志居詩話 珊珊怨曰珊珊姓周氏一名小珊

珊珊戴溪黃夫人侍兒也夫人六袞初度雲孫以族

之猶子從而稱觴珊珊侍夫人出常粧便服膚雪鬢

雲娟娟楚楚殆神仙中人雲孫驚異歸謀其婦湘夫

人湘夫人才而賢出私賞聘之未及娶孫北上被放

而歸珊珊已邁疾死矣

艾菴存稿

黃天濤悼其亡姬陸小雲作琴怨詩

迎陵文集

奩史卷十九

三

張和悼妾詩夜來書館寒威重誰送薰香半臂綾

物虛

晤言

宜都內人諫武后曰大家能屏去男妾獨立天下如

是男子益削女子益專

李義山文集

秦良玉有左右男妾十餘人

綬史

野紀謂女帥秦良玉有男妾數十人李吉士力辨其

誣

靜志居詩話

舊史卷二十

東吳王初桐于陽篡述

秦州侍 朝補堂校刊

姜婢門二

婢

孫權末羅陽縣神有一婢名紡績權遣人迎之所歷

山川令紡績與神相聞

小名錄

郭璞至廬江愛主人婢取小豆繞屋散之主人見赤

衣人數千萬圍其家請璞為卦璞曰急賣此婢則崇

除矣主人從之璞因取焉

涑水紀聞

舊史卷二十

祖光祿性孝常自為母炊爨作食平北以南婢餉

之因取為中郎有人戲之曰奴價倍婢

何氏語林

秦人得本家婢生一子惡之乞與鄰家大富貴本家

貧後取歸遂復富鄰家仍貧

雲嶠類要

杜蘭香有婢子二人大者萱支小者松支

搜神記

女仙王進賢有婢名六出姓田氏漁陽人田諷之孫

體貌修整有節操

南岳魏夫人傳

劉道真求婢不從乃下地叩頭婢懼而從之明日語

人曰手椎固是神物一下而婢伏淫

海錄碎事

綠草采音宋劉興道家婢也

北史

孔熙光有婢曰採藻

宋書

齊穆后婢馮小憐色美后愛衰以五月五日進之號曰續命

女世說

有商人見清湖君君問所須商曰但乞如願君許之果得一婢如願卽其名也商有所求悉能致之後因正旦如願晚起商人撻之走入糞帚中不見今人正旦以細繩繫綿人投糞帚中曰乞如願

雲仙雜記

青洪君以如願送歐陽明如願者神婢也所願輒得數年大富

錄異傳

馮緄爲荊州監軍將侍婢二人戎服自隨

青林類記

### 奩史卷下

二

樵青張志和婢也志和令樵青竹裏煎茶

茶譜

獨孤明有婢曰懷春稚齒俊俏

酉陽雜俎

王度至程雄家雄新受寄一婢頗端嚴名曰鸚鵡度

疑其精魅引鏡逼之化爲老狸而死

古鏡記

東陽公主應閣婢曰王鸚鵡

侍兒小名錄

女道士魚元機字幼微一女僮曰綠翹亦明慧有色

忽一日機爲隣院所邀迨暮歸院綠翹迎門曰適某

客來知鍊師不在不舍轡而去客乃機素暱者意翹

與之私裸而笞數百遂絕機坎後庭瘞之客有宴機

室者洩於後庭見青蠅集瘞上詳視之如有血痕客

竊語其僕僕兄爲府衙卒常求金於機機不顧因呼  
數卒入院發之見綠翹面如生遂執元機送京兆府  
至秋竟戮之

三水小牘

春鶯李準婢名

五國故事

韓熙載致位通顯不妨閑婢妾有北齊徐之才風侍  
兒往往私客客賦詩有云最是五更留不住向人枕  
畔著衣裳熙載亦不介意

南唐近事

崔義起妻蕭氏有婢曰素玉

報應記

陳無咎宴客用一婢典斟必十二而後始滿以盡誠  
敬之道

洛陽要記

奩史卷二十

三

李公擇有婢名雲英欲出不果坡詩云細思還有可  
恨事不許藍橋見傾國

東坡集

黎太君王氏家婢病瘦王氏親爲煮藥致膳

東齋記事

馬全節嘗有侍婢偶不愜意自擊殺之後染重病忽  
見其婢索命不旬日而卒

玉堂閒話

銀花高文虎婢以元宵時近點燈來因名

癸辛雜識

官柳邦衡侍婢名

胡省齋集

周延翰有一婢名丹砂

稽神錄

秦檜有婢名興兒

三朝北盟會編

李生者日賣養脾丸於市嘗揭巨榜於前日不使丁

香木香合則天誅地滅家蓄二婢以事炮製李一旦溺死於河家計蕭然其妻遣去二婢尋亦事人他日後夫扣之妻曰向所遣去二婢先夫專委之修合一名丁香一名木香其實不用二藥也

潤泉日記

婢曰董澆董治也澆洗也亦曰都養都主也

事物異名

葉舒穎憶小婢垂絲云關心最怕春光去花發閒階

憶小名

學山瑣錄

佳口佳婢也周太祖命尉遲綱伐蜀曰事平當賞汝

佳口及克蜀乃賜侍婢一人

名何文身表異錄

傅婢傳謂附也幸也婢近幸於主曰傅婢一云傅婢

奩史卷二十

四

謂傅相其衣服衽席之事

漢書王吉傳注

顧行常不宜兒子其婦將產求術於郭璞璞曰法當

字乳婢曰青蘿如其言呼之兒果無恙

郭氏洞林

王安國子婦有身訪乳婢女僮曰有一人丈夫死未

久自求售身安國以二萬得之又三年安國守宛陵

挈家之官舟次泗州一男子喝於前曰乳婢之夫也

求索其妻至夜乳婢忽竄去遍索不得詰旦乃見尸

浮於水面

玉照新志

官妓卽官婢也周禮奚三百人注今之官婢

輟耕錄

嚴武卒母曰而今而後吾知免爲官婢矣

唐詩紀事

元載妻王氏曰使妾爲春婢不如死 劉賓客嘉話錄

石崇廁常有十餘婢侍列皆麗服藻飾置甲煎粉沈

香汁之屬客入與新衣著客多羞獨王敦脫故著新

神色傲然羣婢相謂曰此客必能作賊 女世說

石崇廁婢用漆箱盛乾棗奉以塞鼻 白氏六帖

石崇廁婢持錦囊進以爲籌 語林

阮仲容先幸姑家鮮卑婢及居母喪姑當遠移將婢

去仲容借客驢自追之累騎而返曰人種不可失卽

遙集之母也 世說新語

阮咸通胡婢生子孚咸遺姑書曰胡婢遂生胡兒姑

舊史卷二十

五

荅書曰魯靈光殿賦曰胡人遙集於上楹可字曰遙

集也故孚字遙集 阮孚別集

宋女子陳梅莊工詩嘗作蠻婢詩云從今莫學綿蠻

語怕有傍人隔柳聽 女世說補

王琨父憚不辨菽麥莫肯與婚家以獵婢恭心侍之

遂生琨 南齊書 丹鉛總錄云獵音騷續補侍兒小

韓愈詩一婢赤脚老無齒 昌黎集

歐陽脩詩小婢立我前赤脚雙髻丫 歐陽文忠集

蘇軾詩常呼赤脚婢雨中擷園蔬 東坡集

金人呼婢曰亞海軫 事物紺珠

婢似貓煖處便住

義山雜纂

婢稱一頭

北戶錄

今呼侍婢曰丫頭言頭上方梳雙髻卽漢所謂偏髻也劉賓客詩花面丫頭十三四春來綽約向人時爲白傳小樊而作花面者未開臉也

留青日札

丫髻謂頭梳雙髻未適人之粧也辛延年詠胡姬兩鬟何窈窕正指十五歲時

李義山詩注

王通叟詩十三妮子綠窗中今山東目婢曰小妮子其語亦古矣

升菴詩品 東京夢華錄曰凡僮婢妮卽有引至牙人

古之媵猶今之從嫁者也按公羊傳曰媵者何諸侯

畜史卷二十

六

娶一國則二國往媵之以姪娣從之

野客叢書

于令升左傳注云兄之女來媵曰姪妹來媵曰娣若兄之女不媵者但曰兄之女而不曰姪妹不從媵者但曰妹而不曰娣

升菴經說

秦伯嫁女於晉公子爲之飾裝從文衣之媵七十人

至晉晉人愛其媵而不愛公女

韓子

周武聘突厥女爲后西域諸國女皆來媵

唐會要

孟昶母李氏本長公主媵常夢大星墜懷以告主主曰此婢有福相乃令祥幸之遂生昶

蜀鑑

宋有一郎官年六十餘置媵妾數人鬢已班白令其

妻互鐳之妻忌其少恐爲羣妾所悅乃去其黑者妾欲其少乃去其白者不踰月頤領遂空

碧湖雜記

朱勗媵妾亦有封號

玉照新志

周益公夫人妬有媵公盼之夫人縻之庭公過之當暑媵以渴告公以熱水酌之夫人窺於屏曰好個相公爲婢取水公笑曰獨不見建義井者乎

韋居聽輿

乾道間有一媵隨嫁單氏而生尙書夔又往耿氏生侍郎延年及死尙書侍郎爭葬其母事達朝廷孝宗曰二子無爭朕爲葬之

貴耳錄

劉洪欽因女出閣得一媵極殊麗名蘭蓀詰其家世

倉史卷二十

七

云隨父官淮被掠劉太息先其女嫁之

樂善錄

古所謂媵妾者今世俗名曰祇候人或云左右人以其親近爲言已極鄙俚浙人呼爲貼身或曰橫牀江南又爲橫門尤可笑

雞肋編

霍仲儒與平陽侯家侍兒衛少兒私通生去病

漢書

爰盎有從吏盜盎侍兒盎知之不泄人有詰從吏言盎知爾與侍兒通乃亡盎追還以侍兒賜之

史記

陸賈令五男散居而攜侍兒遊於五子之家

延壽錄

侍兒韓俊娥最得帝意每寢必召令振聳支節然後成寢別賜名來夢兒蕭妃嘗密訊俊娥曰帝體不舒

汝能安之豈有他媚俊娥進言妾從帝見帝嘗在何  
委車車行高下不等女態自搖帝就搖怡悅妾私效  
車中之態以安帝耳非他媚也 大業拾遺記

世言白樂天侍兒惟小蠻樊素二人予讀集中紅綃  
信手舞紫綃隨意歌紅紫二綃亦女奴也 容齋隨筆

監察御史清河張佶侍兒仙鵝能歌舞解書翰嘗出  
使以仙鵝充使典 侍兒小名錄

霍小王與李生薦枕之夕侍兒桂子浣紗與生脫靴  
解帶 霍小王傳

韓偓有別錦兒詩錦兒侍兒也 叙小志

舊史卷二十

八

晏文獻新納侍兒甚屬意每張子野來令侍兒出侑  
觴其後王夫人不容出之子野作碧牡丹詞令營妓  
歌之至末句云望極藍橋但暮雲千里幾重山幾重  
水公憮然曰人生行樂耳何自苦如此亟命復取前  
所出侍兒既來夫人亦不復誰何也 道山清話

東坡一日食罷捫腹徐行顧謂侍兒曰汝輩且道是  
中有何物一婢曰都是文章一婢曰都是識見坡不  
以爲然至朝雲乃曰學士一肚皮不合時宜坡捧腹

笑 梁溪漫志

王直方家多侍兒而小鬟素兒尤妍麗王嘗以蠟梅

花送晁无咎无咎以詩謝之有云芳菲意淺姿容淺  
憶得素兒如此梅 賓朋宴語

洪羽之女遇巨盜於江中欲逼之女投江死兩侍兒  
大曰宜恩小曰勻奴姓吳氏女兄弟也俱有色藝亦

相隨赴水死 梁溪漫志

紅藕紅薔皆周郎中侍兒曹叟授曲女弟子 曝書亭集

黃夫人侍兒姍姍稟性婉媚善伺夫人意先事即得  
夫人每曰此我如意珠也 艾菴存稿

一中貴夜巡忽聞塚中人聲蓋既瘞而甦者發之得  
一女子云爲某翰林姬人之侍兒遭鞭箠將斃復置

奩史卷二

九

冰上凍一夕而死 太白劍

帝釋宮中有七房房有七天后后有七侍女 雜阿含經

紫微王夫人年可十三四左右兩侍女年可十七八  
整飾非常 列仙傳

龍邱子自洛之蜀載二侍女戎裝駿馬至溪山佳處  
輒留連數日見者以爲異人東坡詞云細馬遠馱雙

侍女青巾玉帶紅靴 若溪漁隱叢話 西清詩話曰  
觀東坡河東獅子語則知季常  
載二侍女以遠遊蓋有所制而然亦可憫笑也

林文安公方建屋梁橫於戶侍女騎而出匠罵之女  
曰閣老尙書不此中出耶公異其語私召之生男機

爲大宗伯

闕小紀

王莽妻旁侍者原碧莽幸之初莽爲侯就國時幸侍者增秩懷能開明增秩生男興懷能生男匡開明生

男捷

續補侍兒小名錄

張谷佐劉從諫納邯鄲才人李嚴女爲侍人號新聲諫谷曰始天子以從諫爲節度非有戰野攻城之功直以其父挈齊十二州還天子去就間不能奪其嗣耳自有澤潞未聞以一縷一蹄爲天子壽左右皆無賴章武朝數鎮顛覆雄才傑器尙不能固天子恩况從諫擢自兒女手中不以法得亦宜以不法終君當

奩史卷二十

十

脫旅西去大丈夫勿顧一飯恩以骨肉腥健兒食言訖悲涕谷不決後果及禍

新唐書

徐黃州有鄭趙閭齊四侍人張夫人攜其一往壻家爲浴兒之會適張無盡過之云厥有美妾良由令妻浴兒於玉潤之家一夔足矣侍坐於冰清之側三英粲兮旣暮而張夫人還其一乃閭姬也

春渚紀聞

顏真卿小青衣雙鬟名剪綵

明皇十七事亦見常侍言旨

華州柳參軍妻崔氏有青衣曰輕紅

乾饌子

李愿多內寵晚得青衣乃色中之尤者因字之曰眞珠及愿年老眞珠名轉著乃曰愿老矣家藏一女寶

不上聞恐非所宜欲得一善文者狀其妍艷表進之  
乃求表於虞卿虞卿曰須一見俾容態誌在吾目然  
後可以操文愿從之虞卿既見此姬乃語於牛僧孺  
僧孺方持國柄且曰愿欲何求吾能致之亦何必上  
聞虞卿曰愿意已決矣相公以計取之方可得也乃  
薦漢公爲行人漢公乃往見愿曰竊聞司空欲貢一  
妾有之乎愿曰然漢公曰竊爲司空危之愿曰何也  
漢公曰後宮如西子者數千司空以眞珠投之何異  
擲一米於太倉乎設若眞珠承寵勢傾六宮必責司  
空久自寵憐歷年不進之德矣愿曰奈何漢公曰大

奩兒卷二十

七

凡尤物必能禍人眞珠進與不進恐終與司空爲禍  
然內外皆知司空欲進此妓一日罷之人必謂司空  
惑溺而不能舍爲司空計不若別與一人愿曰誰漢  
公曰牛相訪求一美色久矣今司空不過求大鎮不  
若將與牛相牛相得妓司空得鎮不亦可乎愿悅乃  
以眞珠歸於僧孺牛羊日歷 兼言曰皇甫松牛奇  
章之甥怨公不薦爲謗詩曰夜入  
眞珠室朝遊玳瑁宮眞珠公侍妾也

竇參所寵青衣曰上清參得罪入掖庭

異聞錄

紅線薛嵩青衣也嵩爲潞州節度使田承嗣欲併之  
嵩日夜憂悶紅線曰某能爲主解憂乃梳烏鬢髻貫

金雀釵衣紫繡短袍繫青絲絢履胸前佩龍文匕首  
額上書太乙神名條忽不見高返身閉戶背燭危坐  
忽聞曉角吟風一葉墜落卽紅線迴矣嵩問之紅線  
曰某達魏城凡歷數門遂及寢所承嗣在帳內酣眠  
頭枕文犀枕前露七星劍劍前仰開一金合合內書  
生身甲子與北斗神名復以名香美珠散覆其上某  
遂持金合以歸嵩乃發使人魏遺承嗣書以金合授  
之承嗣驚怛欲倒不敢爲患

紅線傳甘澤謠同

李商隱有錦瑟詩錦瑟令狐楚家青衣名

紫微詩話

張不疑以錢六萬置青衣曰春條鴉鬢垂耳音旨清

奩兒卷二十

三

婉有所指使無不愜適不疑素禮門徒尊師者謂有  
邪氣不疑令作法春條撲然作聲視之一朽冥器耳  
背上題曰春條

補侍兒小名錄

姜堯章葬西馬塍蘇石挽之云幸是小紅方嫁了不  
然啼損馬塍花小紅范石湖所贈青衣也

研北雜志

周汝航妻朱靜菴能詩父執某有青衣曰寒梅妻亡  
欲圖再娶青衣過靜菴哭訴其情靜菴題一絕云一  
夜西風滿地霜粗麻布勝無裳春來若覩桃花而

莫負寒梅舊日香

說聽

李司徒女奴百餘人皆絕藝殊色

揚州夢

觀察使李庚之女奴名却要美容止善辭令李有四子所謂大郎二郎三郎五郎也咸欲烝之而不得嘗遇清明之夜大郎遇之於櫻桃花影中乃持之求偶却要取茵席授之曰可於廳中東南隅停待又遇二郎調之曰可於廳中東北隅相待又逢三郎東之曰可於廳中西南隅相待又遇五郎握手不可解曰可於廳中西北隅相待四郎皆持所授茵席各趨一隅頃却要燃炬豁扉照之曰阿堵貧兒爭敢這裏覓宿處四子各掩面而走自是不敢失敬

三水小牘

劉元溥女將出適求女奴資行用錢八十萬得四人

奩史卷二十

三

其一名蘭蓀者風骨姿態不類賤隸詰之果衣冠子卽以家財五十萬先其女嫁之

陰德傳

金亡其將郭斌驅其妻子聚一室焚之有女奴自火中抱兒出泣授人曰將軍盡忠忍使乏嗣此其兒也  
幸哀而收之言畢復赴火

文世說

朶那者偉兀氏之女奴也寇劫偉兀氏不得物乃反接主婦拔刀礪頸上諸侍婢皆散走朶那獨以身覆主婦請代死且告曰家之貨寶皆吾所藏主婦弗知也若免主母死當悉與將軍寇允解主婦縛朶那乃探金銀珠寶玉幣帛等散置堂上寇爭奪之竟又欲犯

朶那持刀欲自屠冠驚異捨而去朶那泣拜主婦曰  
棄主貨全主命權也妾受命主鑰失貨而全身非義  
也請從此死遂自殺

輟耕錄

寇掠高郵韋寅之妻王蕙與其姑相繼赴井有女奴  
始笄尤娉婷亦從溺

銀鹿春秋

丁諷常令兩女奴掖侍見客後以好色致疾益求妙  
年殊質以厭其心客出不能送令一婢子送至中門  
以故賓客之至者加多

談薈

王晉卿有二女奴名穠李昭華曾直詩曰穠李四弦  
風拂席昭華三弄月侵牀

侍兒小名錄拾遺

奩兒卷二

四

狂客過豪家索酒適見有饋魚蟹者未出客曰孟嘗  
門下焉得無魚使部盤中定須有蟹一女奴出將母  
命荅曰主人不殺已付校人畜去上客先期都爲學

士嘗空

元亭閒話

司空圖居王官谷出則以女僕鸞臺自隨

續世說

凡女僕同輩謂長者爲姊後輩謂前輩爲姨

涑水家儀

女廝謂之娠郭璞曰女廝婦人給使者

方言注

杜牧云覓常婢市寒賤可制使者

名句文身表異錄

都下買婢謂未嘗入人家者爲一世人喜其多純謹  
也

老學菴筆記

張不疑買一婢曰金釘價一十五萬

靈怪錄

柳仲郢一婢驚於葢巨源家見其主親市綾羅酬酢可否失聲什地曰某雖賤人曾爲柳家細婢死則死耳安能事賣絹牙郎乎

嬾真子錄

楊元孫以婢采蘭貼與黃權權死後元孫就權妻吳贖婢吳背約不還元孫訴於臨海守蔡樽判還本主吳能爲巫出入樽內以金釧贈樽妾遂改判與吳元孫搗登聞鼓訟之

南史

石季倫愛婢名翽風年十五無有比其容貌特以姿態見美崇嘗語之曰吾百年之後當指白日以汝爲

奩史卷二十

五

殉荅曰生愛死離不如無愛妾得爲殉身其何朽於是彌見寵愛

拾遺記

有授書生私通於張說侍婢之最寵者擒得姦狀說將窮其獄書生厲色曰靚色不能禁人之常情公貴爲相豈無緩急有用人者何斬一婢女耶說奇其言而釋之以婢與歸書生去旬日忽一日訪說言姚相構獄因請得公平生所寶者用計於九公主說以雞林郡夜明簾與之書生遂夜詣九公主邸第言之兼用爲贄公主明旦奏之遂罷其事

撫異記

武翊皇惑婢薛荔苦其家婦盧氏衆論不容終至流

周室大夫之妻淫於隣恐夫覺之爲毒藥使媵婢進之婢念進之則殺主父告之則殺主母於是佯仆而覆酒主父答之婢就杖而不言主父之弟以告主父放其妻將納婢婢辭欲自殺乃厚幣嫁之劉向列女傳翟氏女名素未嫁遭賊欲犯之臨以白刃素婢名青青乞代素賊殺素後欲犯青青曰素尙死何以生爲賊復殺之皇甫謐列女傳

張孟喆妻李氏遭寇與夫妹相挈投井中婢妙聰亦隨入見二人俱未死因李有孕恐水冷有所害遂負

奩史卷二十

共

之於背賊退出三人於井而婢則死矣明史列女傳

盜殺周皇親取財去羅卒入獨見婢荷花兒伏泣據狀以聞於法司荷花兒不勝虐刑誣服凌遲行刑時語劊子手曰兒是冤死幸相憐先殺而後劊割不然吾必爲厲鬼殺爾不聽竟劊割盡始死之越三日是人忽大呼云荷花兒殺我七孔流血死耳談

洪臣死妻朱淑守節婢曰阿素淑欲嫁之素卽病淑許其爲貞素病卽起皆完節而死春雨雜述

劉炎侍婢數人皆能爲聲樂又悉治書菘中隨筆

鄭康成家婢女皆讀書常使一婢不稱旨使人曳著

泥中須臾復有一婢來問曰胡爲乎泥中荅曰薄言  
往慙逢彼之怒

世說新語

李元謙樂雙聲語嘗經郭文遠宅曰是誰第宅遇佳  
婢春風出曰郭冠軍家元謙曰此婢雙聲春風曰猥  
奴慢罵元謙服婢之能

洛陽伽藍記

桓溫北征還得一巧作老婢乃是劉琨妓一見溫便  
潜然泣曰公甚似劉司空溫大悅整衣冠問之婢曰  
面甚似恨薄眼甚似恨小鬢甚似恨赤形甚似恨短  
聲甚似恨雌溫不怡者數日

何氏語林

趙南仲避暑水亭作詩云水亭四面朱闌繞簇簇游

查史卷二十

七

魚戲萍藻六龍畏熱不敢行海水煎徹蓬萊島身眠  
七尺白蝦鬚頭枕一枝紅瑪瑙六句已成遂睡去侍  
婢梅姐杏姐戲續聯云公子猶嫌扇力微行人多在  
紅塵道南仲以爲得風人旨

昨非菴日纂

王知軍夫婦醉臥羣盜入執羣婢縛之婢呼曰司庫  
鑰者藍姐也藍姐卽應曰有無驚主人盡付匙鑰秉  
大燭指引之金銀首飾盡數取去主醒方知發訴於  
縣藍姐曰易捕也羣盜皆衣白妾秉燭時皆以燭淚  
污其背矣捕者密驗之果獲

賊警

張敬兒取私通婢以爲妾

南齊書

許敬宗嬖其婢因爲繼室假姓虞

六帖

婢作夫人舉止羞澁

梁武帝書評

楊文貞公在內閣時夫人已早世惟一婢侍巾櫛而已一日中宮有喜慶大臣命婦朝賀太后聞公無命婦令左右召其婢至則諸命婦已退矣太后見其貌既不揚衣復儉陋命妃嬪重爲梳整易內製首飾衣服而遣之且笑曰此回楊先生不能認矣翼日命所司如制封之卽導之母也

玉臺叢評

宋欽道婢名輕霄後入宮得幸後主爲后

北齊書

劉聰以婢爲后

丹鉛總錄

奩兒卷二

六

唐李錡之死也二婢配掖庭其一曰鄭則幸於憲宗生宣宗後爲皇后

寶牖閒評

王濟左右人嘗於閣中就婢取濟衣服婢欲姦之其人不取婢云若不從我當大呼其人終不從婢乃呼曰某欲姦我濟令殺之

殷芸小說 還冤記 桃英見 聞錄雲屏俱相同

郭一正得一高麗婢名玉素極殊豔令專知財物庫一正夜須漿水粥非玉素煮之不可玉素毒之一正覺覓婢不得搜而得之奉勅斬東市

朝野僉載

楊謹矜婢春水有罪將殺之史敬忠曰勿殺賣之可市十年歲耕田十頃謹矜從之婢入貴妃姊家因得

見帝帝愛其辨慧留宮中寢侍左右帝問所從來婢  
奏爲謹矜所賣具言敬忠夜過謹矜坐庭中步星變  
夜分乃去帝怒有詔賜死

關化書

文待詔室人進二婢以嘗公公亟令去之

兩航雜錄

定定顧子家婢也初雖以色見寵仍令他適後乃遇

於東城外顧盼嗚咽不忘舊情

本事詩

徐幹臣有一侍婢色藝冠絕以妻妬不容逐去及妻

亡聞婢在蘇州一兵官處屢遣信欲復來而不得幹

臣感慨用其書中語製二郎神詞會李孝壽牧蘇州

命兵官送之

詩話總龜

奩史卷二

无

陸小蓮者嘉興百福坊人應才之婢也爲其妻妬逐  
之遂赴水死後有李太無者夢見一吏及卒二人持  
公文而來詞曰嘉興路城隍司爲陸小蓮告至正八  
年溺水事寃屈未伸今發應才解岳祠取問是日應  
才死

輟耕錄

張詠知益州置侍婢以侍巾幘在蜀四年被召還闕

呼婢父母嫁之皆處女也

青瑣高議

崔郊與姑婢有情其婢端麗曉音伎姑貧鬻於連帥

郊思慕無已其婢因寒食出值郊立於柳陰馬上連

泣杳若山河郊贈以詩曰公子王孫逐後塵綠珠垂

淚滴羅巾侯門一入深如海從此蕭郎是路人有嫉  
生者寫詩於座連帥令召生至幃幄奩匣爲增飾之  
命婢同歸雲溪友議

錢伯全嘗納一女鬟風姿秀雅其室勸伯全私之伯  
全乃具貲嫁之果處子也輟耕錄

王君廓遺李元道一婢元道問婢所由云本良家子  
爲君廓所掠因放遣之山堂肆考

小虎者顧秀才女也年十二被賣於季家作婢以從  
嫁董文友後悉其由來遂擇於王秀才董母親爲笄  
髻行禮送之恐人以婢子故輕之也無何王秀才死

奩史卷二十

二十

轉爲村人婦自悼命薄時時念主人恩曰不如長作  
董家婢本事詩

小說有唐解元詭娶華學士家婢秋香事乃江陰吉  
道人非伯虎也吉父爲御史以建言譴戍道人於洞  
庭遇異人得道術嘗游虎邱時有兄之喪上襲麻衣  
而內著紫綾禪適上海一大家攜室亦遊虎邱其小  
婢秋香者見吉衣紫顧而笑吉以爲悅已也詭裝變  
姓名投身爲僕久之竟得秋香爲室一日遞去大家  
跡之知爲吉厚贈奩具遂爲翁婿古夫于亭雜錄

呂文安病喉絕粒有樵人治之立解問有婦否曰無

出諸婢使擇謬指一婢乃呂所悅者遂具粧奩與之  
百衲居士叢談

玉京道人有婢曰柔柔莊且慧道人歸於東中一諸  
侯不得意進柔柔奉之乞身下髮柔柔生一子而嫁  
嫁家遇禍莫知所終

梅村集

人與

碧玉一名窈娘喬知之寵婢也色藝爲當時第一武  
承嗣聞之迫知之將金玉賭窈娘知之不肯使人  
就家強載以歸知之忍憤作綠珠篇傳於窈娘窈娘  
得詩悲惋結於裙帶投井而死

侍兒小名錄 聞見錄曰後人名其井曰窈娘井

奩史卷二十

三

蘇子瞻謫黃州蔣運使餞之子瞻命婢春娘勸酒蔣  
乞以馬易春娘子瞻諾之春娘遂下階觸槐而死

鴻書

朱吉士性好藏書尤愛宋板訪得吳門舊姓有宋槧  
袁宏後漢紀係陸放翁劉須溪謝疊山三君手評遂  
以一美婢易之蓋非此不能得也婢臨行時題詩於  
壁云無端割愛出深閨猶勝前人換馬時他日相逢

莫惆悵春風吹盡道傍枝

靜志居詩話

方回有二婢曰周勝雪劉玉榴方遊金陵寄二婢於  
其母周姬之家恣閑杜陵之門勝雪者爲豪客挾去  
方歸悵惋作詩有鸚鵡籠開綵索寬一朝飛去爲誰

歡之句 癸辛雜識別集

劉禹錫失婢詩云把鏡朝猶在添香夜不歸

呂仲子婢死有女四歲數來為沐頭浣濯 桓譚新論

閩中參軍黃涉婢曰笑春紅死涉念之淚灑犀簾至

皆損壞 蜀普錄

晉惠帝時杜錫家葬有婢誤不得出後十年開冢祔

葬而婢尚生初婢之埋年十五六及開冢更生猶十

五六 續博物志 搜神記作漢杜報

陳朗婢死已葬有人聞塚中人聲怪聽之婢曰我今

更活為我報家開土取之強健如常 二酉綴遺

奩史卷二十

三

干寶父有寵婢母妬甚及父亡母乃生推婢於墓中

後十餘年開墓婢伏棺而甦 史書佔畢

屠象美有婢紅葉因內妬爺死瘞之郊忽甦呼聲聞

於外發視則活 明菴瑣語

石崇愛婢翹風最寵及年三十為妙年者所毀遂退

為房老使主羣少乃懷怨懟作詩 拾遺記

婢妾年老而衰退者謂之房長亦曰房老 名何文身 裴異錄

婢之婢謂之重臺 雪丹勝語

漢武微行造主人家有婢國色帝悅之留宿與婢臥

有書生連呼咄咄不覺聲高帝曰此人必婢婿也召

羽林擒問服而誅

殷芸小說

宋靖康之亂有中涓挈一宮人南奔僑寓平江稱夫婦潛蓄美男飾以釵珪佯爲婢而進之與宮人產子四歲中涓死宮人娶居偕婢撫其子他年宮人又產女鄰人聞於官訊之吐實以聞上詔給配賜姓名官成官成遂洗粧而衣冠爲丈夫其後更有二子皆舉進士長者爲奎章閣待制父母榮封焉

九朝通畧

奩史卷三

三

奩史卷二十

數若小篇

東吳王初桐于陽暮述

橋李吳文溥澹川校刊

倡妓門一

妓上

管仲治齊置女閭七百徵其夜合之賁以充國用此

卽教坊花粉之始

齊記

齊桓置女閭七百皆寡婦也

因樹屋書影

葱嶺以東俗喜淫置女肆徵其錢

唐書西域傳

奉化丐戶婦女皆業枕席其始宦家以罪殺其人藉

奮史卷二十一

一

其牝官穀之而徵其淫賄以迄今也

猥談

娼品以體格顏色情分耍俏藝能俱全爲上

風月須知

戲市娼曰千人捏千人捏似蟹殼甚堅俗言千人捏

不死因以爲名或以戲市娼云

俗呼小錄

今人謂娼婦曰猱兒

留青日札

猱能搔虎使睡而食其腦故名妓爲猱兒

事物紺珠

西域謂娼女曰摩鄧迦又曰尋香人

戒菴漫筆

劉劭趙都賦中山名倡襄國妓女

明辨類函

鳩摩羅什姚玉以妓女逼令受之乃自講說譬如臭

泥中生蓮花但取蓮花勿取臭泥

傳燈錄

李季蘭初五六歲時其父抱于庭作詩咏薔薇云經時未架却心緒亂縱橫父惠曰此女將來富有文章然必爲失行婦竟如其言

全唐詩話

薛濤字洪度本良家子八九歲知聲律其父指庭梧示之曰庭除一樹桐聳幹入雲中令濤續之應聲曰枝迎南北鳥葉送往來風父愀然久之父卒母孀居

濤竟入樂籍

稿簡贅筆

鍾陵妓雲英羅隱舊見之一日譏隱猶未第隱嘲之曰鍾陵醉別十餘春重見雲英掌上身我未成名君未嫁可能俱是不知人

全唐詩話

奩文卷二十一

二

范文正公守番陽郡妓籍中有小鬟尚幼公頗屬意

既去以詩寄魏介介因鬻以惠公

泊宅編

晁大夫增飾披雲欲壓黃樓而張馬二子皆當年尊下世所謂英英盼盼者盼卒英嫁盼之子營頗有家風而晁妓未有顯者黃樓不可勝也

后山詞

營妓婁婉字東玉秦少游與之密贈之詞云小樓連

苑橫空又云玉佩丁東別後是也又贈陶心兒詞云

天外一鉤殘月帶三星謂心字也

高齋詩話 泊宅編曰少游嘗春蔡

州一妓陶心者作浣溪沙詞中二句缺月向人舒窈窕三星當戶照綢繆缺月三星蓋心字

張子野於吳興見小妓兜娘賞其佳色後十年再見

于京口絕非頃時之容態矣

侯鯖錄

張仲舉詞楚芳玉潤吳蘭媚自注楚芳吳蘭二妓名

蜆巖樂府

有妓名楊柳絕色也道人來往其家然總不與交接

楊一夕乘醉過之道人倏忽不見

春雨堂雜抄

暨氏女十歲能詩賦野花云多情樵牧須簪髻無主

蜂鸞任宿房識者知其不潔後果然

推篷寤語

蘇杭妓名見于樂天詩中者如曰瓊瓏瑩後謝好箏  
陳寵鬢栗沈平笙李娟張態一春夢容坐唱歌滿起  
舞真娘墓頭春草碧心奴頭上青霜白就中惟有楊

奩裏卷二十一

三

瓊在心奴已死胡容老又有九日代羅英二妓招舒  
著作詩遺英倩二妓與舒員外同遊詩則所謂瓊瓏  
謝好沈平陳寵李娟張態真娘心奴楊瓊容滿英倩  
羅等皆當時妓姓名也

野客叢書

太平興國寺牡丹十月盛開有老妓題詩云曾趁東

風看幾巡冒霜開喚滿城人殘脂剩粉憐猶在欲向

彌陀借小春妓遂復車馬盈門

楓牕小牘

清了玉通皆高僧也太守柳宣教惡玉通使紅蓮破

其戒玉通誓必敗其門風遂托生柳宣教家名翠宣

教沒翠流落爲妓二十餘年與清了遇于大佛寺清

了又號月明爲之戴面具爲宰官身爲比丘身爲婦  
人身現身說法示彼前因翠卽時大悟所謂月明和  
尚度柳翠也今俗傳月明和尚馱柳翠燈月之夜跳  
舞宣淫大爲不雅 湖塘雜記

郢中倡女常擇一人名以莫愁永存古意 因話錄

北方倡妓皆用子爲名若香子花子之類 鷄肋編

妓曰綺娘又曰商女達旦謂妓曰草娘 事物紺珠

一點紅妓也劉郢云坐中若有一點紅斗筲之量成

干鍾 韻學事類

吳人呼妓爲生 本事詩

奮卷二十一

賤子賤娼濫婦之稱 輟耕錄

俗謂娼曰表子表對裏之稱表子猶言外婦 七修類稿

里語謂婦女倚門爲賣花 灤陽銷夏錄

樂天贈長安妓阿軟詩云綠水紅蓮一朶開千花萬

草無顏色 合璧事類

曹元寵母王氏能詩嘗有雪中觀妓詩云梁王宴罷

下瑤臺窄窄紅靴步雪來恰似陽春三月暮楊花飛

處牡丹開 桐江詩話

吳兆榕城小妓奇歌奇奇十二髮垂肩腕伸膝上

誰不憐鴉頭髻樣望如墮杏子衫新紅欲燃 本事詩

私妓曰私科子鷄雉所乳曰窠卽科也蓋言官妓出科私妓不出科如鷄雉之戀窠也一作私貨子又名半瓶醋留青日札

吳下風俗尚侈細民有女必教之樂藝以待設宴者之呼名爲私妓陳郁話腴

杭妓胡楚龍靚皆有詩名張子野多爲官妓作詩與胡而不及靚靚獻詩云牡丹芍藥人題遍自分身如鼓子花子野于是爲作詞也後山詩話

呂士隆知宣州好答官妓妓皆欲逃去會杭州有一妓到宣士隆喜之一日郡妓復犯小過士隆又欲答

之妓泣訴曰某不敢辭罪但恐杭妓不能安也士隆捨之聖俞因作莫打鴨一篇曰莫打鴨打鴨驚鴛鴦隱居詩話

李師中贈官妓賈愛卿云願得貔貅十萬兵犬戎巢穴一時平歸來不用封侯印只問君王乞愛卿後山詩話

官妓小蘇善歌舞關彥卿贈詩云昔日聞蘇小今朝見小蘇未知蘇小貌得似小蘇無泗上錄

福建官妓名小玉帶龍麟州詩云老夫記得坡仙語

病體難禁玉帶圍詩話類編

楊維禎詩三十六橋明月夜姑蘇城裡有瓊花注云

官妓名瓊花宴者新自維揚來蘇州

鐵崖集

營妓古以待軍士之無妻者

雜志

元微之過襄陽夜召名妓劇飲作詩云花枝臨水復  
臨堤也照清江也照泥寄語東風好擡舉夜來曾有  
鳳凰棲謝師厚作襄倅聞營妓與二胥相好此妓乞  
書扇子遂改下句云夜來曾有老鴉棲

玉局遺文

油蔚贈別營妓卿卿云日照綠牕人去住鴉啼紅粉

淚縱橫

投知小錄

司馬溫公爲武定從事同幕私幸營妓公諱之嘗會  
于僧廬荆公往迫之使妓踰垣而去荆公集句戲之

奮老卷三十一

六

云年去年來來去忙暫閒偷臥老僧牀驚回一覺遊

仙夢又逐流鶯過短牆

后山談叢

蘇子瞻通判錢唐營妓陳狀以年老乞出籍從良公  
許之有周生者色藝爲一郡之最聞之亦陳狀乞嫁  
公惜其去判云慕周南之化此意誠可嘉空冀北之  
羣所請宜不允

澠水燕談錄

周美成在姑蘇與營妓岳楚雲相戀後從京師過吳  
則已從人久矣因飲於太守坐上見其妹因作點絳  
唇詞寄之遼海歸來故鄉多少傷心地短書不寄魚  
浪空千里憑仗桃根說與相思意愁無際舊時衣袂

猶有東風淚楚雲讀之感泣者累日

夷堅志

唐州二營妓其一小字憐憐其一名梅時廖明畧皆與之往來

墨莊漫錄

蜀人皆呼營妓爲女校書故胡曾贈薛濤曰萬里橋邊女校書枇杷花下閉門居掃箒才子知多少管領春風總不如

鑑戒錄

范較書雙玉秦淮女子文舍人有相逢恨少珠千斛

問字云從玉一雙之句

本事詩

宗羅中揮千金買一校書姓陳名一軸書

感迷續錄

方芷秦淮女校書與李貞麗女阿香最洽阿香屈意

奩卷二十一

七

侯公子得所托矣方芷曰侯郎名士耳予欲得一忠義士與共千古及歸楊文驄每謂奩具中帶得異寶他日相贈無何國難作馬阮駢首侯生攜李香竄去方芷出一鏤金箱從容而進曰曩日許君異寶今可試矣楊發之草繩及小七首也楊愕然遲回意未決方芷厲聲曰男兒留芳貽臭所爭止此一刻楊遂慷慨自縊方芷視其氣絕鼓掌笑曰平生志願酬矣引七首自刺喉死

諧鐸

永嘉籍妓中有山姓者頗慧麗康執權時命之侑尊一日妓之父以事繫縣妓涕泣求救康憫之爲賦詩

云河陽滿縣皆春風忍使梨花偏帶雨妓詣縣投狀  
連此詩于狀前邑宰笑而釋之

庚溪詩話

內人許和子本樂家文開元末入官籍于宜春院漁  
陽之亂後竟歿于風塵及卒謂其母曰阿母錢樹子  
倒矣

樂府雜錄

許和子明皇雜錄作許子和

崔紫雲李尚書樂妓詞華清峭眉目端麗杜紫微過  
李公留宴家妓盛列杜顧主人曰嘗聞有能篇咏紫  
雲者今日方知名不虛傳儻垂一惠無以加焉諸妓  
皆回頭掩笑杜作詩曰華堂今日綺筵開誰喚分司  
御史來忽發狂言驚滿坐三重粉面一時回詩罷升

奩卷三十

八

車而去李公以紫雲贈之

侍兒小名錄

晉王樂妓劉良女姿容婉麗武宗西幸宣府悅之遂  
載以歸飲食起居必與之偕南征亦隨行在武宗每  
縱獵輒以劉女諫而止

明武宗實錄

韓晉公鎮浙西戎昱爲部內刺史郡有酒妓善歌色  
亦嫻妙昱情屬甚厚浙西樂將聞其能白晉公召置  
籍中昱不敢留爲歌詞贈之既至開筵妓首唱戎詞  
韓問曰戎使君于汝寄情耶悚然起立曰然言與淚  
俱韓召樂將責曰戎使君名士留情郡妓何故不知  
而召置之成余之過乃命妓百縑卽時歸之

本事詩

馬或使于燕韓定辭館之時燕之酒妓轉轉者一代名姝韓之所眷也馬頰目焉韓曰願垂一詠卽當奉之或作轉轉之賦遂載以歸

補兒侍小名錄

張郎中嘗爲廣陵從事與酒妓致情後二十年與李相紳宴飲前妓在席目張悒然如將涕下李起更衣張以指染酒題詞盤上妓深曉之李旣至張持盃不樂李覺之卽命妓歌以送酒遂唱是詞曰雲雨分飛二十年當時求夢不成眠今來頭白重相見還上襄王玳筵張辭歸李令妓夕就之

本事詩

天水僊哥字絳真善談謔常爲席糾寬猛得所又有

奮臺三十一

九

鄭舉舉者嘗與絳真互爲席糾又有俞洛真淫冶任酒殊無雅裁亦時爲席糾頗善章程

北里志

王小大圓滑便捷善周旋又工于酒糾能爲酒客解紛釋怨時人爲之和氣湯

板橋雜記

玉烟善典觴能使意之所屬曲爲照顧令不苦飲張宏軒曰如玉烟者可謂傾城悅名士矣

今世說

妓曰錄事

元氏長慶集

蘇叔黨至東都見妓稱錄事太息曰今世一切變古唐以來舊語皆廢此猶存唐舊可喜前輩稱妓曰酒糾蓋謂錄事也相藍之東有錄事巷傳以爲朱梁時

名妓崔小紅所居

老學菴筆記

汪隣隣湖州角妓也。湟古伯娶以爲妾，經三載死。汪

髡髮尼寺，卒老于尼。

駿耕錄

角妓王寶奴，號眉山。武宗駐蹕金陵，選教坊司樂妓十人備供奉。寶奴爲首，姿容濃麗，數侍巾櫛。武宗回鑾，寶奴還舊籍，咸以貴人呼之。自供奉歸後，寶奴閉閣不出，嘆曰：婢子獲執巾天子，安得復爲人役。遂長齋繡佛爲道人，裝以老。

本事詩

趙執信有贈津門角妓真珠詞

飴山集

王小奕，舊院後門妓也。與蘇桂亭、葛鳳竹、羅桂林、齊

奩史卷三十一

十

名號四君，游人望其塵冉冉如金支翠蓋。

曲中志

舊院妓朱斗者，色不甚都，頗閑筆硯，咏柳有云：早知留得行人住，多向江頭種幾行。

卧遊樓史

姜舜玉，南京舊院妓，自號竹雪居士。

明詩綜

南京院妓有名一串金者。

書蕉

六院麗人有沙飄飄者，爲冠評者比之蕃禧觀瓊花。未有兩樹云。

靜志居詩話

金陵舊院有頓脫諸姓，皆元人，没入教坊者。順治末，有脫十娘者，年八十餘，尚在萬歷中北里之尤也。又鄭姬無美，順治中尚無恙，卽鄭妥娘也。

池北偶談

鄭敬詩楚潤相看別有情楚娘潤娘妓之尤者 據言

史鳳宣城妓也待客以等差甚異者有迷香洞神鷄

枕鎖蓮燈次則交紅被傳香枕八分羊下列不相見

以閉門羹待之使人致語曰請公夢中來馮垂客于

鳳馨囊有銅錢三十萬盡納之得至迷香洞題九迷

詩于照春屏而歸 常新錄

政和間李師師崔念月二妓名著一時李生門第九

峻靖康中李生與同輩趙元奴及築毬袁絢武震輩

例籍其家李生流落來浙中士大夫猶邀之以聽其

歌然憔悴無復向來之態矣 汴都平康記

奮書卷三二

士

中瓦前娼戶惟李博士最著 白獺髓

李師師極爲徽宗愛幸後金兵南犯淪落湖湘間爲

商人所得作詩自悼曰輦轂繁華事可傷師師垂老

過湖湘羅衫檀板無顏色一曲當年動帝王 宣和遺事

臣泣血錄徽宗在五國城中作李師師傳讀書欲求

記李師師小傳一卷臨安刊于榷場中

淳祐間吳妓徐蘭擅名一時堂館曲折華麗亭榭園

池無不具至銷金帳幔侍婢執樂者十餘輩金銀寶

玉器玩名人書畫飲食受用之類莫不精妙遂爲三

吳之冠其後富沙之唐媚魏華蘇翠京口邢蓋韓香

越之楊花繆翠皆以色藝稱 癸辛雜識

陳瓊姬小字芳春其先姑氏名淑女者擅絕一時以故其家餘韻尚存乃今得瓊姬容止婉麗矩度幽閑種種可意自是旖旎騷人棲遲羈客矣

曲中志

王玉娟鬢髮而明眸玉骨而雪膚標格閑逸如野鶴之在汀渚也

曲中志

金獸頭湖廣名妓也貫只哥平章納之貫沒流落湘

湖間酸齋有老鸛啄之誚

青樓集

張玉梅劉子安之母也劉妻曰蠻婆兒皆擅美當時其女關關謂之十婆兒七八歲已得名

青樓集

劉婆惜通文墨滑稽善舞時貴多重之一日謁金子

奩卷二十一

三

仁時賓朋滿座全頭戴青梅一枝口占清江引曲云

青青子兒枝上結令座客續之眾未及對劉歛衽進

曰容妾措詞乎全曰可應聲曰青青子兒枝上結引

惹人攀折其中金子仁就裏滋味別只爲你心酸留

意兒難拚捨全大稱賞納爲側室

青樓集

馬如玉字楚嶼修潔蕭疎無兒女子態凡行樂伎倆

無不精工熟精文選唐音善小楷八分書及繪事傾

動一時士大夫而閨秀女媵與之婉變至有截髮燒

臂抵死不相舍者曲中咸以爲異

曲中志

馬湘蘭名噪一時有舉人請見湘蘭拒之後授留都

禮部主事適有訟湘蘭者湘蘭來見主事怒曰人言馬湘蘭徒虛名耳湘蘭曰惟其有昔日之虛名所以有今日之實禍主事笑而釋之

聞雁齋筆談

趙今燕號連城張幼于賦七夕詩贈之云翠帳紅妝送客亭佳人睂黛遠山青試從天上看河漢今夜應無織女星由是今燕名重北里

本事詩

京中伎女以王雪簫爲最而薛素素才技過之

巨史

一妓從士人秋夜會飲臨風舉酒曰如此雲物高爽可稱詩天卽日其妓聲名頓起

筠廊偶筆

湖州楊媚韻者以色藝顯名一時仲彌性惑之誓與

奮史卷二十一

三

偕老韻以誕日嘗作醮供彌性爲代作醮詞云身若萍浮尚乞憐于塵世命如葉薄敢祈祐于元穹適屆生初用輸誠曲妾綠業如許流落至今桃李半殘何滋于苑圃燕鶯已懶空鎖于樊籠隻影自憐甘心誰亮香爐經卷早修清淨之緣歌扇舞衫尚掛平康之籍伏願來吉祥于天上脫禁錮于人間旣往修因來收結果辟纏織履早偕夫夫婦婦之儀墮珥遺簪免脫暮暮朝朝之苦人之所願天不可誣

王照新志

齊亞秀者京師名娼嘗侍長陵宴有女曰江斗奴以色藝宣聲宣德間

應菴任意錄

名娼爲花君子

牡丹榮辱志

添蘇長安名妓也孫僅尹京兆日魏野寄詩云見說  
添蘇亞蘇小隨軒應是佩珊珊孫以示添蘇喜如獲  
寶求善筆札者大署其詩于壁野以事抵長安有好  
事者與密過添蘇家見其風貌魯質固不前席野忽  
見壁所題乃索筆于側別紀一絕云誰人把我狂詩  
句寫向添蘇繡戶中間暇若將紅袖拂還應勝得碧  
紗籠添蘇始知是野大加禮

湘山野錄

妓女滿瑩娘人稱爲有有娘謂有情有色也

清異錄

官妓連枝秀姓孫氏年四十餘因投禮逸士風高老

奮史卷三十一

古

爲師而主教者褒以空湛靜慧散人之號狹二女童

放浪江海間

輟耕錄

錢玉蓮宋名妓從孫汝權某寺殿成梁上題信士孫

汝權同妻錢玉蓮喜拾

南窓閒筆

孫汝權乃名進士玉蓮則王十朋女也十朋劾史浩

汝權嗾之史氏子姓遂作荆釵記以玉蓮爲十朋妻

而汝權有奪配事其實不根之謗也

聽雨增記

錢玉蓮本娼家女初玉與之狎錢許嫁王後王狀元

及第竟不復顧錢憤而投江死

歐江逸志

趙彩姬字今燕南院妓名冠北里時曲中有劉董羅

暮段趙何蔣王楊馬諸先後齊名所謂十二釵也晚  
居琵琶巷口號閉門趙四靜志居詩話 昌伯慶曰  
予從十二名姬中見趙今  
燕詩頃遊秦淮知其何在訪而見之容與溫文清言  
楚楚風流可想

金陵有十二名姬而當時所傳文彩風流以女俠自  
命者湘蘭最著本事詩

名妓朱泰玉鄭無美與馬湘蘭趙今燕為秦淮四美  
人 滿湘聽雨錄

薛濤初笄以詩聞又能掃眉塗粉章臯鎮蜀召令侍  
酒賦詩濤出入幕府自臯至李德裕歷事十一鎮皆  
以詩受知其間與濤唱和者元稹白居易牛僧孺令

奩史卷二十一

狐楚裴度嚴綬張籍杜牧劉禹錫吳武陵張祜等凡  
二十餘人皆一時名士後段文昌再鎮成都濤卒年  
七十三文昌為撰墓誌賡紙譜

韋蟾廉問鄂州罷賔僚祖餞蟾書文選句云悲莫悲  
兮生別離登山臨水送將歸請賓從續之有妓口占

二句云武昌無限新栽柳不見楊花撲面飛雅言雜  
載

劉季招吳妓也席上贈張子行詩傳誦著名吟牕雜  
錄

官妓蘇瓊能詞蔡元長命卽席為之韻以九字詞云  
韓愈文章蓋世謝安情性風流良辰美景在西樓敢  
勸一卮芳酒記得南宮高第弟兄爭占鰲頭金爐玉

殿瑞烟浮高占甲科第九蓋元長奏名第九也

復齋漫錄

詩妓齊景雲善琴對人雅談終日不倦與傅春定情不見一客春坐事成邊景雲欲隨不得遂蓬首垢面

閉戶閱佛書未幾病歿

樊川叢話

鶴鉞敘州詩妓也有自敘詩

玩畫齋雜著編

江浙間妓女有慧黠知文墨能于席上指物題咏應命輒成者謂之合生其滑稽含翫諷者謂之喬合生蓋京都遺風也

青泥蓮花記

馬守真字湘蘭一字元兒又字月嬌金陵妓貌本中人而放誕風流善伺人意性復豪俠恒揮金以贈少

奩身卷三

七

年感吳人王伯穀解墨郎之厄欲委身焉伯穀不可萬歷甲辰伯穀年七十湘蘭買樓船載小鬟十五造飛絮園置酒爲壽辰夕歌舞流連者累月亦勝引也伯穀序其詩云秣陵佳麗之地青樓狹邪之間桃葉題情柳絲牽恨胡天胡帝爲雨爲雲有美一人風流絕代問姓則千金燕市之駿託名則九畹湘江之英輕錢刀若土壤翠袖朱家重然諾如丘山紅妝季布爾其搗琉璃之管字字風雲擘玉葉之牋言言月露翻庭花之舊曲按子夜之新聲奚特錦江薛濤標書記之目金昌杜韋惱刺史之腸而已哉

靜志居詩話

蔣蘭玉含英毓華蛻塵祛汶談謔竟歲月不涉一烟

火語

曲中志

張楚嶼厭薄統綺與同志者品題花月指點江山意  
豁如也後受戒棲霞法師易名妙慧

青泥蓮花記

趙彩燕雖籍在青樓乃靚妝冶容夷然不屑惟是香  
爐茗盃把卷稱詩所交盡名士遇寒儉每私爲供具  
至脫簪珥不辭他挾貲勢者非其好也

林下集

趙嘏嘗惑一美姬名青娥後爲浙帥所得嘏及第以  
一詩索之浙帥使送歸嘏逢嘏于橫水驛姬抱嘏慟  
哭而絕

全唐詩話

奮史卷二十一

七

薛宜僚與青州妓段東美屬情臨別皆嗚咽流涕薛  
在途染疾而卒櫬歸東美至驛素服執奠撫柩哀號  
一慟而卒

清溪暇筆

南曲張住住少而敏慧能辨音律鄰有龐佛奴與之  
同歲亦聰警甚相悅慕年六七歲隨師于學中歸則  
轉教住住私有結髮之契及住住將笄其家拘管甚  
切佛奴稀得見之又力窘不能致聘俄而有陳小鳳  
者欲聘住住佛奴因寒食爭毬故逼住住之牕伺之  
住住謂佛奴云上已日我家踏青去我當以疾辭彼  
卽自爲計也佛奴喜甚至期舉家踏青去住住獨留

遂與佛奴一遂平生既而小鳳欲納嘉禮住住指塔井曰若逼我將骨董一聲矣時小鳳爲平康富家車服甚盛佛奴傭於徐邸不能給食邸將憐之而致職名竟補邸將終以禮聘住住且建大第而小鳳家事日感反不侔矣

北里志

韓香南徐妓也色藝貫一時與葉氏子交閉門謝客將終身焉葉父怒以妻一老卒香白刃

隨隱漫錄

王玉貞武林名妓陸仲舉過武林玉貞一見投契日脫簪珥買權于湖上後貞囊篋空乏仲舉忽然他適貞留之不得遂赴湖死

林下詞談

奩裏卷二十一

六

南京名妓張小三稚齒雅容不肯就門戶曰能妻我者當與之諧松人楊玉山聞而求之捐數十金成婚踰月欲隨之還家楊妻妬不敢許約以半載爲期及去妓守志不渝數寄聲楊所楊感其誠歲四五至至必留旬月所贈遺以千萬計往來如家焉久之費日削既二十年田產爲空男女未婚嫁薪水且不給而日受妻子怨言怏怏悔嘆兩目失明妓恠其久不來使使諭焉盲矣乃扁舟下江直造楊氏之廬登堂拜主母捧楊首大慟曰主君貧困職我之由當爲君婚嫁君幸勿苦悉出向所贈物以嫁其二女又爲二子

納室留待湯藥者一年楊死妓人脫簪珥殯之守其  
柩不去妻亦哀憫其志語曰姊院中衣食自豐何爲  
因此與我同辛苦妓謝曰奴非碌碌市門女也少有  
不汗之誓與主君交往廿年名雖風塵身不異楊氏  
之少房也願從主母執庖湑之勞歿且不悔

青泥蓮花記

河南王舜卿父致政歸生留都下支領給賜與妓玉  
堂春姓蘇者狎不一年所賞罄盡妓待如故但爲鴿  
日憎生不得已出院流落寓某廟中廊下有賣菓者  
見之曰公子乃在此耶玉堂春爲公子誓不接客命  
我訪公子所在今幸毋他往乃報蘇蘇誑其母往廟

酬香見生抱泣曰君名家公子一旦至此妾罪何言  
然何不歸生曰路遙費多欲歸不得妓與之金曰以  
此置衣飾再至我家當徐區畫生盛飾僕從復往鴿  
大喜相待有加設宴夜闌生席捲所有而歸鴿知之  
撻妓幾死因剪髮跣足斥爲庖婢未幾山西商聞名  
求見知前事愈賢之以百金爲贖身踰年髮長顏色  
如舊攜歸爲妾初商婦皮氏以夫出與監生通及夫  
娶妓皮妬之置毒酒中妓未飲夫代飲之遂死監生  
欲娶皮乃唆皮告官成獄生歸矢志讀書登甲科擢  
御史潛訪得監生事逮訊伏法王令鄉人僞爲妓兄

領回籍陰置別邸為側室好事者撰為金釧記東山草堂

適言

李東與妓女王四兒甚密及遷御史令王詐為閻者  
白隨事露為詮曹所黜王從之不忍舍久之東鬱鬱  
得疾終王日守其棺不去及葬自縊死蔬齋屏語

楊娼者長安殊色也嶺南帥悅之妻甚悍帥乃陰出  
重賂削去娼之籍而館之他舍間歲帥得病思一見  
娼而憚其妻乃命娼托為煎調婢以見帥事洩妻乃  
擁健婢數十熾膏鐵于庭須其至當沒之沸鬪帥聞  
大恐促命止娼之至而帥遂物故娼曰將軍由妾而

奩史卷二十一

二十

死妾安用生為撤奠而死李羣玉楊娼傳

毛惜惜高郵軍效也榮全據高郵城叛召惜惜佐酒  
惜惜罵曰汝本健兒官家何負於汝而反吾有死耳  
不能為反賊行酒全以刃裂其口立命鬻之罵至死  
不絕後封英烈夫人中興集三朝野史曰方秋崖  
為毛惜惜作義娼傳

唐仲友守台州眷妓嚴蕊朱熹以使節行部至台欲  
以私葦罪仲友逮繫蕊備受箠楚一語不及守獄吏  
誘使言蕊曰身為賤伎縱與太守私罪不至死然妾

言以汚士大夫雖粉身不為也聲價遂騰至徹阜陵  
之聽隨隱漫錄雪舟勝語曰唐悅齋眷官妓嚴蕊  
奴朱晦菴捕送囹圄提刑岳商卿行部決蕊奴

自便使問去好安歸蓋奴賦卜筮子未云住也如何住去也終須去若得山花插滿頭莫問奴歸處

元兵攻金某城矢石之際忽見一女呼城下曰我倡

女張鳳奴也許州破被俘至此彼軍不日竄矣諸君

逆力堅守無為所詒也言訖投濠死 愧林漫錄

京師娼女高三自幼美姿容昌平侯楊俊見之屬意

因與之狎猶處子也侯往備北邊數載高閉門謝客

天順初侯為石亨所忌奏斬於市高素服往哭親吮

其血仍綴其首買棺殮之遂縊而死 北修類稿

大賈石某犯罪發遣以白金萬兩寄所昵妓後數年

赦回妓以所寄還之封識如故 迂僥

奩史卷三十一

三

徐于與妓徐三善三許嫁于于盡其貲力為庀衣粧

鏡奩歸有日矣于臥病三忽遣蒼頭持書至于喜發

視之則片紙訣絕已盡竊其貲夜奔武弁矣 本事詩

高陽王雍妓女五百隋珠照日羅衣從風河間玉環

欲敵之妓女三百盡皆國色 洛陽伽藍記

齊張瓌妓妾盈房或譏其衰暮畜妓瓌曰平生嗜欲

無一復存唯未能遣此耳 敘妙誌

蕭景先遇疾作啓謝世祖曰自下荼毒以來妓妾已

多可以明月佛女桂支佛兒玉女美玉上臺美滿艷

華奉東宮 南齊書

章昭達每飲會必盛設女伎音律姿態盡一時之妙  
陳書

鄭還古將調西都柳將軍餞之出家妓薦酒容艷嬌  
絕鄭竊窺眷眷柳謂鄭曰此沈真真本良家子頗好  
文詞請賦詩以定情俟君拜命卽送賀鄭賦詩柳覽  
之大喜俾真真拜謝還古抵京旋拜伊闕柳卽送真  
真赴京請鄭相見真真飾容致拜還古起前遽執真  
真之手長呼而卒 紺珠集

劉禹錫有妓善歌李逢吉請一見盛粧而往旣入不  
復出劉惶嘆爲詩以獻明日妓見李但含笑曰詩大

奮史卷三十一

三

好遂絕

本事詩

陶穀買得党家太尉故妓取雪水烹團茶謂妓曰党  
家應不識此妓曰彼僮人安得有此景但能銷金帳  
下淺斟低唱飲羊羔酒耳 漁隱叢話

姑臧太守張憲使娼妓戴佛壺巾錦仙裳密粉淡粧  
使侍閣下奏書者號傳芳妓酌酒者號龍津女傳食  
者號仙盤使代書札者號墨娥按香者號麝姬掌詩  
藁者號雙清子總謂之鳳窠羣女又曰團雲隊曳雲  
仙 姑臧前後記 荻樓雜抄娼妓作諸姬

劉承勳畜妓樂數十百人每置妓價數十萬教以藝

又費數十萬而服飾珠犀金翠稱之陸游南唐書

東坡有歌舞妓數人每留賓客飲酒必曰有數個搯

粉虞侯欲出來祇應也軒渠錄

王韶宴客出家妓坐客張積醉挽妓不前將擁之妓

泣訴于韶韶曰出爾曹以娛賓乃令客失歡命取大

杯罰妓東軒筆錄

放翁客自蜀挾一妓歸畜之別室率數日一往偶病

少疎妓頗疑之客作詞自解妓即韻答之云說盟說

誓說情說意動便春愁滿紙多應念得脫空經是那

個先生教的不茶不飯不言不語一味供他憔悴相

奩史卷二七

思已是不曾問又那得工夫咒你齊東野語

顧阿英有二妓曰小瓊花南枝秀每宴會必預蘇談

廬江箏笛浦有一大船覆在水漁人宿其旁聞箏笛

之聲及香氣氤氳漁人夢人驅遣云勿近宮妓此人

驚即移去相傳曹公載妓船覆于此續搜神記

東昏侯置射雉場每出則妓妾爭逐於後齊春秋

李商隱有宮妓詩注云宮妓內妓也李義山詩注

申王冬月使宮妓密圍于坐側以禦寒氣呼為妓圍

開元天寶遺事

小東長沙妓以能詩得幸于馬氏後國入為郡或詢

其長沙宮中則必南望泣涕而後言侍兒小名錄

國樂夫人有永新嬪御史娘柳青娘皆一時之妙也

有與御史娘詩曰天下能歌御史娘花前月底奉君

王九重深處無人見獨把新聲侍順郎桂苑叢談

唐文宗朝女弟子鄭中丞善胡琴內庫有兩面琵琶

號大忽雷小忽雷鄭常彈小忽雷因損送崇文坊趙

家修理時梁厚本有別墅臨渭河垂釣之際一物浮

過長五六尺許上以錦綺纏之令家僮接得就岸乃

秘器也發開視之一女郎裝飾儼然以羅巾繫其頸

解其領巾伺之口鼻間尚有餘息卽移入室中將養

奩史卷三

五

經旬方能言云是內弟子鄭中丞也以忤旨命內官

縊殺投于河中因涕泣感謝厚本無妻納爲室自言

善琵琶其琵琶在趙家修理厚本購得之值良辰飲

于花下酒酣不覺朗彈幾曲有黃門于牆外聽之曰

此鄭中丞琵琶聲也竊窺識之翌日達上聽文宗方

追悔至是驚喜卽命宣召問其故乃赦厚本罪任從

匹配仍加賜賚焉樂府雜錄

妓女入宜春苑謂之內人亦曰前頭人常在上前頭

也其家猶在教坊謂之內家給賜同十家教坊記

趙德鄰謂內人得幸者爲十家天祿識餘

諸家散樂以長在至尊左右爲長入 教坊記

樓下戲出隊宜春院人少卽以雲韶添之雲韶謂之

宮人蓋賤隸也 平康志

宋女弟子隊曰彩雲僊隊 文獻通考

奩卷三二



奩史卷三十二



